




硃批諭旨

彭維新 阿克敦 方觀  
鄂昌 吳關杰 胡鳳翬 奏摺





硃批彭維新奏摺

恩會雍正七年閏七月十六日吏部右侍郎署理蘇州

旨升巡撫印務總理清查錢糧事臣彭維新謹

奏為請聖恩會同臣等

旨事竊照清查江蘇各屬積欠錢糧前奉

諭旨令原任戶部侍郎臣王璣與臣會同撫臣尹繼善

御史伊拉齊總理其事所有

欽命總理清查關防一顆向係王璣收掌因王璣奉

旨革職於本年七月二十日交送到臣臣隨具疏

備題報在案臣伏讀

硃批諭旨

彭維新



諭旨工部侍郎馬爾泰著往江南與彭維新等同辦清  
查錢糧之事御史安修德亦著前往協同辦理欽此  
總命欽遵今侍郎臣馬爾泰同協辦御史安修德俱已  
抵蘇其清查事宜臣等謹遵

聖諭凡一切案件俱係公同敬謹辦理所有總理衙門  
關防應否交送馬爾泰收掌嗣後凡公辦清查錢  
糧事理仍行公同用印相應繕摺請

旨伏念臣受

恩愈深矢報彌切臣於清查一案責任固不敢稍諉心  
力更不敢稍懈惟是從前所辦實屬負職荷蒙

皇上不加罪譴更

命臣署理巡撫重任臣從此益加勉勵督率印協各員  
實力辦理務期清釐以圖仰報

聖恩爲此謹

奏

清查一事汝等秉公盡心與否斷不能掩朕耳目斯乃  
朕留心經理之要務也勉爲之

同日又

奏爲奏

聞事臣查江蘇所屬地方自夏入秋雨水調勻早禾業

殊批諭旨

彭維新



聞事 已登場據各屬報稱收成俱有八九十分不等市  
上米價平減其晚禾現在晾花結穗青葱茂盛將  
來秋收豐稔已可預慶理合繕摺奏

聞仰慰

聖懷謹

奏

深慰朕懷但以公忠之心黽勉吏治

上天自無不昭錫嘉應之理其效捷如影響也勉之

同日又

奏爲據實奏

聞事 臣仰荷

聖恩署理江蘇撫篆到任之後查得本年六月初三七  
月十六十八二十二二十八等日據潼安衛邳州  
睢寧宿遷江都等縣各報蝗蝻生發隨飛飭撲滅  
去後復據各屬覆稱幸係蝻子初生尚無羽翼立  
時撲滅淨盡並未損傷田禾又據六合縣報稱七  
月十四日夜風雨交作倒塌民間瓦房四十七間  
草房一千三百二十一間營房六間被水男婦八  
百二十九名口打傷男婦二十二名口壓死男婦  
十二名口隨經飛飭布政司一面查勘一面議動



公項銀三百兩委員往查賑濟又據長洲縣報稱  
閏七月初四日未時火藥局失火燒坍小屋三間  
當卽救滅燒斃夫匠王茂榮曹阿華二名燒傷程  
三等十四名臣卽捐銀分給燒斃各家買棺領埋  
被傷各家醫藥調治復據蘇州府查報緣藥局初  
移地潮藥濕匠頭程公遠將藥曬晾各匠在於石  
臼中確藥臼嘴迸出火星烘去火藥四十餘石硝  
磺十餘石卽時救滅幸大火藥局依然無恙竝未  
延燒民房經管局官情願賠補等情除嚴飭官匠  
人等嗣後加謹防範不致稍有疎虞外理合據實

聞謹

奏

覽所奏數件大槩朕皆已聞矣內惟火藥局聞係新改  
設者或方向有不合宜處亦未可定再舊局地方恐有  
遺存前人所藏之藥搬移未盡者尤當檢點詳慎

雍正七年八月二十九日總理清查江蘇等處錢

糧事務署理蘇州巡撫吏部右侍郎臣彭維新等

命肅謹肅入發慰部察

聞奏爲奏奉

殊批諭旨

四

彭維新



聞事臣等奉

命清查積欠錢糧時凜

聖訓凡與分查大員會商及接見各府州縣印官協查人員均行切加訓誡飭令實心辦事倘各員內有辦事不妥之處臣等一有所聞卽當陳

奏茲聞得分查鎮江府錢糧汀漳道朱鴻緒辦事任性舉動輕率江常鎮道王之錡來蘇時臣等公同面詢據稱朱鴻緒辦事頗能盡心而行事率多任意有丹徒丹陽民役人等因其告狀不實回話舛錯或令自吞狀紙以辱誣告之人或令舌舐塵土

以示錯誤之罰又因金山寺僧有積欠錢糧百餘兩朱鴻緒令其全納以瓦片摩頂示辱又在城隍廟速報司內將欠糧人姓名單令道士日逐念誦儆其完糧又於拖欠錢糧之胥役人等不行杖責令人以掌擊頸又或對人云積欠錢糧務於兩年奉限內全數通完方免分查後累等語度其心原爲閭閻急欲懲治頑抗而迹其所行諸事未免輕率怪誕獸本應立時叅

奏臣等再四思維朱鴻緒係分查大員若以催追稍覺過嚴舉動涉於輕率遽被叅劾恐長刁風業經



傳調朱鴻緒來蘇面加訓誡嗣後如仍不悔改臣  
等再行據實奏請未敢擅便等因欽此臣等  
題參合先奏

聞謹奏

所奏是朱鴻緒舉動雖屬失於檢點之小過尚在可恕  
但似此輕率怪誕恐大過即隨之矣  
議覆條奏之摺另有旨交部頒發

雍正七年九月二十五日吏部右侍郎署理蘇州  
巡撫印務總理清查錢糧事臣彭維新謹

奏為據實覆奏仰祈

睿鑒事竊臣具奏早禾收成分數一摺奉到

硃批臣惟有敬遵

聖訓黽勉吏治永矢公忠於一切政務策勵駑鈍不敢  
少有怠忽又臣具奏清查錢糧一摺奉到

硃批伏思江省吏治之不振民俗之不淳率因錢糧混  
惟宜釐剔積弊以清楚案件為要不可專以催比錢糧  
之多寡為務也此舉實不為錢糧起見少若錯會朕意  
則一番善政殊屬可惜汝其謹誌毋忽切莫涉於小見  
根使捏名及花分各詭戶凡紳衿士庶悉歸併實



藥局失火一摺奉到

硃批臣查看改設藥局方向係正南實不相宜今謹擇壬癸方四面距民居濶遠地復高爽將來專貯硝磺其軍器等項當另貯高塏之房至舊藥局有無收藏或搬移未淨現在確查竝深掘驗看又臣具

奏辦理積案一摺奉到

硃批臣自接印辦事以來每日竭力僣辦臣辦過新舊案件已經具

題者共二百二十餘案已經咨部者共一千一百八十二案從茲舊案漸覺清理合併

奏覆謹

奏

嘉悅覽焉

奏同日又

聞奏為據實奏

聞仰慰

聖懷事竊照江蘇所屬地方今歲晚禾收成分數經臣

行據布政使高斌查據江寧蘇州鎮江淮安四府

屬通計約有十分及九分以上不等常州松江揚

州三府太倉通州二州屬通計約有十分九分八



分以上不等邳徐海三州屬通計約有九分八分  
七分以上不等其高粱豆粟芝麻棉花并各色雜  
糧俱皆豐熟霜降以後連日晴霽俱已收穫登場  
各屬市鎮米糧價值平減羣黎樂業父老歡呼理  
合具摺奏

聞謹

奏同日又

覽收穫情形實慰朕懷

同日又

奏爲奏

聞事竊照鄉試掄才

大典攸關茲臣聞得江省榜發後闕傳第二十二名

王以式第七十九名王以秀俱係省城緞店王公

瓚之子內通關節外作傳遞兄弟同中省城徧貼

歌謠十八日主考會同監臨等官覆試除有無情

弊俟覆試後聽監臨主考查察外事關科場理合

聞謹奏

聞謹

奏

朕早聞矣此事似無情弊乃係棍徒捏詞誣謗耳

殊批諭旨

八

彭維新



雍正七年十二月初四日總理清查江蘇錢糧事  
奏務侍郎臣彭維新馬爾泰謹

奏為奏

聞事竊江蘇各屬歷年積欠錢糧至千有餘萬兩我  
皇上明無不灼於積欠弊端洞悉無遺深知官侵吏蝕  
多捏造入民欠之中以致混淆不分

特降諭旨命臣等總理清查分晰官侵吏蝕民欠三項  
絲毫不容混淆臣等恪遵

聖諭徧為敷宣屢加開導動其天良令官吏侵蝕弊混  
人等俱遵

旨據實自首免罪仍准分年帶徵又頻飭分查大員及  
聞藉印協各員務期詳細查察不可絲毫徇隱借端擾  
聖主累無如各屬積欠錢糧弊端叢集難以悉數其中  
除民欠之外官侵吏蝕者實居大半臣等雖殫心  
釐剔竭力稽察而才識短淺聞見不周致上厯  
君父之心周詳誥誥誠茲跪讀  
諭旨愧勵交至當即欽遵刊布徧貼曉示使遠鄉僻壤  
益悉

聖意但恐前項胥役紳衿積弊已深猶不能無觀望希  
聖主冀之想仍冀故智臣等仰承



聖主任使自當更加詳細察查使從前舞弊人等不致  
聖意稍有躲閃現又追查出經胥等私藏底簿而侵蝕  
包攬之徒惟恐其不能掩蓋不無拂意懷私仰賴  
皇上至聖至明一切均在洞鑒之中臣等不復少避嫌  
汝等固應不避嫌怨盡心釐剔而謂朕亦不存遠怨之  
心可乎  
怨略事瞻徇務期官侵吏蝕民欠三項詳慎查察  
徹底清釐庶幾仰副  
聖主為民除累至意為此繕摺奏

聞謹

奏

汝等雖極力分辨究於錯會朕意識見卑鄙一語不能  
辭其咎也

雍正八年十二月初四日總理清查江蘇錢糧事  
務吏部右侍郎臣彭維新謹

奏為奏

聞事竊照江蘇等屬積欠錢糧侵蝕甚多臣等奉

命清查自雍正七年三月內起酌式造冊遞次挨查至

雍正八年七月內遞據各屬具報侵蝕人等自首

及察出侵蝕包收等項銀共三百一十六萬兩零

今自本年七月內起至十一月又遞據各屬續報



官吏自首侵蝕銀八十四萬二千三百四十餘兩  
連前通計自首及察出侵蝕銀四百萬二千三百  
四十餘兩俱令將所侵都圖戶名核查註明冊內  
其向未陳首與首而不盡者仍在陸續補首我  
皇上明照萬物洞悉江蘇等屬積欠弊源

特命徹底清釐凡編戶黎庶鼓舞歡忻深悉

聖主爲民除累盛意目今祇胥役土棍中有極其詭猾  
之輩希冀觀望多方朦混尚將侵蝕之項弊中舞  
弊誘壓鄉愚囑託親友代認作爲民欠者臣等現  
在嚴切曉示設法稽查至挨查未竣之屬時飭詳

細剔清卽已報查竣各屬仍飭更將查過冊籍逐  
細研核俾免混淆此外又據各屬官吏自首及察  
出侵蝕災蠲銀七萬一千八百餘兩內有與清查  
民欠相蒙之項竝飭協查之員一併確查註明冊

仰沐

恩光俯思職業惟有矢竭愚誠詳慎查察稽核釐剔不  
敢少懈期於積弊畢呈清查有效庶幾上答

聖主任使洪恩於萬一爲此繕摺奏

聞謹

奏

殊批諭旨



覽奏知道了務須言行相符以副朕特命清查之意

聞雍正九年六月二十六日總理清查江蘇錢糧事

聖上務侍郎臣彭維新協理清查御史臣安修德謹

奏為奏明事竊臣等於雍正九年五月二十七日欽

奉

諭旨民欠中有捏稱侵蝕者著詳細確查有應更改之處即行更改務使分晰清楚毫無疑竇欽此欽遵仰

見我

皇上睿慮周詳不惟使侵蝕民欠逐一界畫分明且

恩憐臣等愚蒙得以釐謬正誤臣等跪讀之下欣惕交

并迅即通行布政司各分查大員暨該府州及各州縣印協等官一體欽遵務必詳加確核分晰清楚以期仰副

聖主為民除累至意伏思臣等奉

命清查屢蒙我

皇上訓誨諄切極思竭誠辦理期無牽混此案頭緒紛繁各屬實徵等冊又大半不全多方蒐羅參證始克造冊挨查且吏役弊根深隱印協官才識參差即據報不涉游移而端委更須確核中心惴惴時防有誤雖經切飭各屬將查明侵欠數目分晰開



單發給糧戶收執以杜胥役欺誑且慮侵欠數內尚有不盡不實或侵蝕捏作民欠民欠混入侵蝕者均得據實呈明更改嗣雖據報有更改之屬而臣等留心察訪猶有更須磨核者卽如各州縣有歷年經管錢糧之人其名則圖書區書里排等類隨地殊稱其人則民庶衿監各色人等充當承頂其家則田地產業有無不等俱係日在衙門承催應比雖隸民籍實與役爲伍勾串包侵是其慣技其無田者自首包侵必須開具都圖戶名清釐卽有田者臣等必飭印協官詳細核查逐加分別若

係自田自欠仍爲民欠其侵收他戶錢糧亦必查明確實始列侵蝕但此輩狡幻百出本無田地者每將他戶錢糧詭立自己戶名頻年收侵堅稱自欠卽本有田地者或將他人錢糧併入己名或捏立詭戶假稱所分子戶恣意侵用使人無從指摘其間爲侵爲欠迹介微茫若查察稍疎刁蠹弊串遮瞞羣然捏侵爲欠然稍涉執泥查察偶一過當又不免混欠於侵如此等類尚須核正茲欽奉

聖諭益加詳慎備細確核倘有似此民欠捏稱侵蝕之項卽行逐加查明據實更改務將官侵吏蝕民欠



三項分晰清楚不留疑竇并此外一切清查事務  
惟有矢公矢慎不敢少近苛刻亦不敢少涉和同  
平情酌行次第辦理擬統於事竣之日分別

奏明未敢頻數列摺冒瀆

聖聰也為此繕摺奏

聞謹

奏

目前難言汝等之是非俟清楚結局時自有水落石出  
之定評也勉力秉公爲之

總理清查江蘇錢糧事務吏部右侍郎臣彭維新

謹

奏爲敬陳江蘇錢糧善後條件仰祈

聖鑒事竊臣奉

命總理清查江蘇積欠錢糧欽遵

聖訓詳慎察查辦理以來隨事隨地時刻留心凡得之  
見聞驗之察訪稽之案卷徵之事情見吏蝕之弊  
至於不可枚舉穢官侵虧由彼迎導雖其侵蝕之  
詭術多端侵蝕之情狀萬變而究其弊之所從生  
由於在官則糧冊旣無的名簿籍不存內署在民  
則戶甲常被暗換科則非所素知夫官不知糧戶

殊批諭旨

十四

彭維新



實在姓名完欠民不知在官實在科則甲戶官民  
兩相隔絕是以官之徵比民之完納一聽操縱於  
吏胥之手遂致百弊叢生恣意侵蝕也今值清查  
之時侵蝕胥役雖畧收斂現年錢糧亦少包侵然  
根柢不趁此剔清則侵蝕仍乘間萌起懲其已往  
聖時之弊可防其將來之姦此清查錢糧善後之法有  
命宜亟為審酌者臣請為我

皇上陳之一錢糧宜歸併的戶也一科則便民小單宜  
給發也一關係錢糧緊要簿冊宜存貯內署也一  
版圖清賦之法宜行也以上四條臣因江蘇錢糧

已然之弊而審思將來防範侵漁包攬之方其事  
簡約庸近然於杜弊清賦之大要庶幾千慮之一  
得焉用敢不揣愚昧謬抒鄙見是否有當伏祈

皇上睿鑒施行謹

奏

能思及善後方為不負朕之任用否則今日之清查亦  
屬徒勞無益況汝等之功過實係於此所奏其中細微  
曲折朕雖不能洞悉無遺姑據二者而論如歸併的戶  
填註姓名居址一條恐致紛繁滋擾如給發便民小單  
糧完呈繳一條似覺通順易行可與尹繼善李衛會同



詳細斟酌更訪求現在各官內胸有識見熟悉該地土俗人情者共相和衷論究務得永久行之而與國計民生有益無損處妥確定議奏聞

硃批阿克敦奏摺

雍正四年七月初十日署廣州將軍臣阿克敦謹奏爲奏

聞事臣於本年六月二十九日到廣東省城卽准將軍

李欽差員齎送

敕印臣隨於七月初一日署理任事李欽亦於初一日

起身回京臣先於途間聞得有人欲俟臣到時呈

保李欽在街市上貼傳單約人及臣到任之日兵

聖主民俱感服

皇上威德遠近寂然從前雖有傳單之舉究無一人具

硃批諭旨

阿克敦



皇上呈攀留臣到任之初卽向旗員營弁宣布  
聖主養育之恩

朝廷法紀之重嚴行訓誡莫不俯首感悟共凜

國典其附省百姓業已帖然安靜且年豐米賤人人

樂業可以無煩

聖慮至生事棍徒借端喧鬧惡習斷不可滋長

欽差臣塞楞額已於七月初四日到省臣與楊文乾卽

遵

旨會審俟審得確供定擬另奏外謹此奏

聞

貼傳單約人之舉或係陷害李杕之作用亦未可知爲  
何不將此等棍徒訪拏追究耶

諭署理兩廣總督阿克敦前交爾帶往粵中以緊要水  
師營遊擊缺補用之三等侍衛胡廣伊因患病未隨爾  
同去後於六月十二日奏明起身於引見時朕看其形  
狀不似有病之人據伊奏稱廣東水師地方不諳惟於  
福建水師熟悉情願在福建閩安營效力卽求補用彼  
處等語朕觀其漢仗雖好聽其奏詞一無知識粗蠢糊  
塗甚屬平常況求本省做官有是理乎看來前日之不  
隨爾起身明係推病嬾去爾於彼時曾否查詢伊是何



病證今伊到粵止可暫令署理營缺留心試用如不過人糊塗猶能管兵拏賊操守不濫還可姑留倘若又不安分如何用得可卽行叅奏特諭

雍正四年十月二十二日署廣州將軍臣阿克敦  
謹

奏爲欽奉

上諭事雍正四年九月二十三日臣接奉

硃筆

上諭遵查三等待衛胡廣高華松係本年五月初三日  
奉

旨交臣帶往廣東以緊要水師營遊擊缺補用之員臣

於五月初六日請

訓時據高華松稱胡廣於途中墜馬傷足不能前來俟

奏愈後再請

訓起程令華松代稟轉奏等語臣卽

奏明隨於初八日起程赴廣其墜馬之處臣實未曾

親見嗣胡廣於八月十五日到廣臣署將軍印務

奏隨咨送督臣孔毓珣經孔毓珣會題請補左翼鎮

梅備標左營遊擊現在委署任事臣當欽遵

諭旨留心試用不時察訪如有不安分之處卽行叅奏



諭旨斷不敢稍為姑容謹將  
硃諭恭封呈繳謹

奏

朕看此人甚屬不妥留心試用

雍正四年十二月初九日署兩廣總督臣阿克敦

奏為奏

聞事竊廣州將軍臣石禮哈於十一月初八日到廣臣

即遵

旨將印信交送十二日由省起程十五日抵肇十六日

准督臣孔毓珣將印信交送到臣隨於十七日

開印署事業經具本

題明在案本年五月初六日臣恭請

聖訓時蒙

皇天恩念臣未經外吏令臣將一應事宜細問孔毓

珣及孔毓珣與臣如何交代之處奏

聞欽此欽遵謹將孔毓珣與臣交代並問孔毓珣之

處備細繕摺恭呈

聖鑒

上諭一孔毓珣將會議海洋統巡奉到

硃批諭旨



上諭一道并

硃批孔毓珣覆奏金鐸條奏巡海一摺面交與臣據稱

因撫提二臣未經畫一議覆不能會奏俟覆到之

日令臣即行奏繳臣敬謹收貯俟楊文乾萬際瑞

等覆到之日

是

奏繳

聖旨據孔毓珣稱兩廣鹽課每年四十五萬餘兩羨

餘銀五萬餘兩外又雍正三年分子鹽價銀并西

省盈餘銀及前督臣楊琳任內發出鹽包銀零星

湊足銀共四萬兩業經

欽此

奏明在案今四年分有子鹽餘耗等項銀共二萬七

千餘兩又收起前督臣楊琳發存廣西鹽包銀四

千一百餘兩現交鹽庫自十一月以後至歲底如

有積湊可於明年三四月間一併彙解奏

聞等語臣現行鹽運司逐一查明貯庫外俟年前截算

統於明年據實

知道

奏報

好必

一臣問孔毓珣現在鹽政有無應行更革之處據

稱鹽務俱係循照楊琳舊法目下似無庸更革等

語臣現在留心查訪有應議行者另摺請

硃批諭旨

五

阿克敦



旨

一臣問孔毓珣兩省文武官員賢否如何據稱兩省文武各官除已經舉劾外才能超卓者甚少而其來已久設不如此則內外不容原難處也所以朕今敗檢不堪者亦無其人到任之後統聽查訪以示甄別

一臣問孔毓珣向來公用賞兵等項從何支取據稱總督衙門舊有兩省稅規俱已裁革公用賞兵等項惟有廣東藩庫平銀八千餘兩可以支用  
一臣向孔毓珣說今奉

旨署理印務凡接任後辦理之事俱屬一體一切應行

事宜及已行未完之件須一一交明庶不致錯誤據稱一切事宜總在臨時斟酌亦無已行未完之件實無可交代之處

以上臣問孔毓珣及孔毓珣與臣交代等件謹此

奏  
聞  
覽  
同日又

奏為恭謝  
天恩事竊臣進摺家人齎捧

殊批諭旨  
六  
阿克敦



欽賜

御書墨刻一卷

上用克食一匣到肇臣隨出郭跪迎至署恭設香案望闕叩頭謝

恩祇領訖伏念臣猥以庸材疊膺

簡任未能報稱方切悚惶荷蒙

宸翰遙頒

上珍遠被飽沐

恩膏益凜冰兢於夙夜時虔瞻拜用嚴咫尺於

帝天臣無任感激歡忭之至謹具摺恭謝

天恩伏乞

睿鑒謹

奏

覽奏謝知道了但一切莫沽虛譽俱當實力行之封疆之任除察吏緝盜之外別無安民良策也

同日又

奏為奏

聞事竊查粵省各場產鹽必須天氣久晴方能煎曬故引鹽全賴九月以後正月以前雨少之時收足至春夏雨多不過零星添補去歲因秋雨連綿產鹽



稀少今年配引不敷鹽價昂貴及七八月間又復多雨以致各處鹽價長至四五分不等自九月以來天氣晴明各場產鹽甚多鹽價減至一分有零將來各場漸次運出不但鹽價可減而額餉亦得充裕矣謹此奏

聞

凡百總賴

天地神明俯垂庇祐耳但以公忠二字默契於

上蒼自然一切無不順敘也敬誠之念刻不可忽慎之

同日又

奏爲請

旨事竊查粵省山海交錯所在險要而瀕海一帶自廣

海寨而東歷香山虎門以至平海碣石惠來等處

外海內河盜賊出沒不時全賴左翼碣石二鎮總

兵官正已率下訓練巡防方能緝盜安民臣自到

皇上廣以來聞得碣石總兵官陳良弼秉心貪黷凡有

開入漁船出口俱勒陋規撥換巡防拔補弁目亦多索

取惡蹟彰著左翼總兵官藍鳳年逾七十昏憤廢

弛伊一子頂鄭紹祖兵名拔補把總一頂林茂兵

名拔補把總俱倚勢驕縱苦累兵丁似此劣員實



不宜於重鎮臣卽當題叅但二鎮均係要地定例  
題叅總兵卽應摘印誠恐

皇上簡用人員一時不能到廣有誤操防爲此繕摺奏  
聞伏乞

皇上指示臣再具本題叅庶要缺得人而海疆永靜矣  
謹

奏

此二人之劣處朕早已聞得尚未知如斯之甚因念其  
皆係久於營伍頗稱老練曾經數次嚴訓望其遷改孰  
料其昏迷至此蓋自以爲年已衰老日暮途窮乘時亟

取以作退休之計耳甚屬可惡爾如此據實上奏殊爲  
可嘉朕甚獎悅二缺現揀擇勝任之人爾卽具本題叅  
可也但水師之員頗不易得凡諳練水師有膽氣者大  
都貪悍之夫奈何奈何爾於粵省副叅中查訪如有出  
色人材可一面題明署理二鎮一面題請補放俟朕與  
在內揀擇之人一同再爲酌定

同日又正日  
奏爲請

旨遵行事竊查兩廣鹽政惟福建汀州府八屬向銷  
廣東潮州廣濟橋鹽斤每年額徵餉銀三萬九千



九百三十七兩零額銷引六萬六千七百八十四道零內僅有長汀一縣額引之外可以多銷其餘七縣不能照額銷售歷年課餉艱於辦納嗣於雍正二年五月內經督臣孔毓珣將汀州一郡引課著八縣協辦知府總彙其成每年知府出具印領自備鹽價水脚赴潮領運分發八縣通融銷售如有不完將知縣知府一併列參等因具題部覆奉旨依議欽遵在案茲臣到任檢查

奏冊內開汀州八屬雍正元年分未完課餉七百九兩二年分未完課餉二萬八百九十餘兩三年分

未完課餉三萬二百餘兩臣細查其故一由各縣陞遷事故正署各官不一其人每多觀望一由各縣無力措辦鹽價水脚以致輓運不前貽誤課餉若不設法變通不但舊欠無補抑且本年新餉難完關係匪輕臣請仍照孔毓珣題定之案耑責知府分撥各縣融銷外另委幹員押送帑鹽督同售銷將賣出價銀扣除鹽價水脚盡數解庫務足本年額餉如有盈餘酌量分抵舊欠奏庶運鹽速而撥銷易

皇國家之正課官吏之考成均有賴矣是否可行伏乞



皇上批示遵行謹

奏

此等事全在爾因地相機權宜料理朕未洞徹事之原委及地方情形難諭是與否也應行者行應具題者具題措置得當朕自能照悉其秉公勉力為之

雍正五年正月初三日署兩廣總督臣阿克敦謹

奏竊署廣東按察使參政道殷邦翰係撫臣楊文乾

題請留粵補用之員臣細察其人有辦事之才而不

不可為憑

有之

正用屬員百姓俱有怨聲謂其過於殘刻遇事惟務翻駁而不實心上緊以清案牘現據署臬司肇

高道王士俊通詳內稱接署臬篆塵案累積命盜

若以此為定評則不確此係從前堆積之案於殷邦翰未經審結者共五百餘起此即其明徵也今給咨

接署之時楊文乾亦經如此奏過且奏稱有六七百案

送部引

皇上睿鑒自必洞悉其微但臣既有所知不敢不據實

陳奏謹此奏

聞

殷邦翰之原委甚長不便全論言伊不妥者已盈朕耳但楊文乾力言其實心任事因不瞻顧而招眾怨此人朕從未覲面今准著伊引見到京之日朕留心一看斷

硃批諭旨

十一

阿克敦



不能掩其真偽也不知爾此論係得之人言抑或係親  
驗確察洞悉其立心行事耶若出自屬員之口當再加  
詳審朕卽位於今四年輿論二字不但不足爲憑竟全  
然不可聽信大約衆所喜者率皆潔己而不奉公上欺  
朝廷下徇屬吏假和平恬靜之名而廢弛因循置諸務  
於不理之人此乃吏治民生之大患朕所以竭力挽回  
諄諄訓誡者也爾等亦當痛改此習凡遇屬員中有立  
意沽長厚之名而不肯破顏整理地方事務者宜嚴懲  
以警衆若實係居心深刻兵民交怨性急過剛但知有  
己而不知有人傲上陵下與衆不合翻駁前案此等形

迹鑿鑿可據者自當詳察糾劾不然則何能察吏也察  
吏之道少不聰明被人欺瞞則安民乏術矣爾將此諭  
當銘刻五內信受遵奉時時警惕庶幾不受人愚不忝  
厥職否則難望地方獲治安之效也勉之勉之

同日又

奏竊臣標五營及肇慶水師城守二營兵丁臣到任  
之後卽按日操閱查各兵內鳥鎗手頗皆嫻熟惟  
弓箭平常今一月以來弓力漸長有能用四箇力  
以上至五六箇力不等者再廣省山海交錯籐牌  
挑刀最爲利器各營雖有籐牌挑刀因不演習俱



屬生疎臣亦現今各營演習至兩省營伍除接見過將備各官嚴加訓飭外餘俱行令不時操練以期有濟於緝盜安民之實用謹此奏

聞

好朕甚嘉之爾自到廣東署理兩任一切奏章料理各事件甚屬妥協如果言行相符何煩朕訓諭勉力為之都中內外安平新春以來頗覺順遂如意特諭爾知為朕歡慶

同日又

奏為奏

聞事竊臣據廣州城守副將賀捷報稱十二月初九日午時內城城門忽然鎖閉未時仍開現在查探未得實據臣隨各處密訪聞係兩三日前有謠言初

九日越獄之語至是日傍午街上人忽然驚駭奔告店舖俱關城門鎖閉至未時城門復開內外如

舊當經將軍臣石禮哈拏獲二人手執軍器問係此事朕亦聞之石禮哈於此日少失鎮靜彈壓之策南海縣捕役聞有越獄之事前來救護石禮哈隨

移送撫臣楊文乾審訊責釋臣隨嚴飭城守官不時稽查防範去後茲於二十九日據廣州水師遊擊黃錫申報二十六日酉時有番禺縣監犯三十

殊批諭旨

十三

阿克敦



九人越出隨據將軍撫標及城守營各官兵協同  
後一節朕尚未知既有此一節則石禮哈前番舉動亦  
擒獲當被殺傷者五人今已安靜無事矣雖屬細  
不為大錯事臣不敢壅於

上聽謹此奏

聞

理當如是凡關國家之事何有巨細之分也

同日又

奏竊臣准撫臣楊文乾移送會稿二件一為廣貯倉  
穀等事臣接閱邸鈔現據九卿議覆無庸臣等另  
為置議一為水利綦重等事內開請將高要等五

縣圍基頂衝改築石工次衝改用椿埽約計數十  
萬金暫借庫銀修築作何補項另疏具題等因緣  
臣所見不同是以未經畫題即將原稿移回所有  
臣不會題緣由敬為我

皇上陳之臣查廣東之西江自廣西梧州府滙左右兩  
江之水流入肇慶府界至廣州府三水縣北合南  
雄韶州連山諸水一由厓門入海一由虎門入海  
其沿江之高要高明四會三水南海五縣向有圍  
基俱係土工開竇建閘以時蓄洩每年於十一月  
後地方官督率鄉民按畝分工加卑培薄民不為



苦官無所費相安已久至田畝間被淹浸圍基衝  
決多因江水湧漲圍基以內水難外洩所致去歲  
秋雨連綿水勢甚大惟三水一邑畧有被淹之處  
三水以上肇慶府屬圍基竝無衝決蓋江水雖急  
而性不剛猛非必石工椿埽方能抵禦今若改築  
是則費  
國帑不止數十萬且從來工程斷無一勞永逸之理  
工完之後勢必逐年修補耗費無窮以臣愚見不  
如仍循舊法著令地方官每歲於農隙之時督率  
鄉民分工修補倘遇江水驟漲不時遣員巡查以

防衝決如果實心任事圍基卽能保固無虞似可  
無庸更議是否有當伏乞

皇上睿鑒謹

奏

覽爾所奏甚是楊文乾雖經摺奏本尚未到朕意欲差  
廷臣中通達河務精於測量之人前往會同爾等地方  
督撫詳察再爲酌定爾今既有此奏差員到時其秉公  
悉心斟酌必如此行方與民生有益不可因費國帑而  
忽民生若宜仍舊則又何必多此一番楊文乾奏摺中  
有開捐之議朕不但不取且少疑焉總之天下事惟以



適中得當爲是耳

雍正五年二月十七日署兩廣總督臣阿克敦謹  
奏爲恭繳

上諭事竊雍正五年二月十一日臣奉到  
硃批諭旨跪讀之下

聖諭諄切無微不至伏念臣一介微末荷蒙  
生成教育之恩有加無已茲承

天語煌煌感悚之忱敢不益勤砥礪以察吏緝盜爲先  
遇事詳悉斟酌籌畫萬全以冀稍免愆過再臣伏  
讀

上諭孔毓珣只此察吏一著甚屬不及總之柔軟將就  
之風其來已久設不如此內外不容原難處也所以  
朕今力剔此弊以挽頽風爾當領悉朕意欽此仰見  
皇上洞察流弊體恤臣下之

聖心臣讀之不勝感切我

皇上用舍舉措悉出大公至正孤介者俱蒙

恩擢黨援者莫不斥除此臣之所目睹深信而不疑者  
也况臣子之道只知有

君利害得失所不當計卽如臣叅劾廣東縣令四員聞  
撫臣等嘖有煩言臣總置之不問惟知以此心表



白於我

皇上之前顧忌之私又何必存於中也奉到  
聖訓臣俱敬謹遵奉務期朝夕黽勉以副

聖意謹將

硃批原摺恭封呈繳謹

奏

身膺封疆重任但不涉於柔懦偏執懷私沽譽何事不  
就理也勉之

同日又

奏爲奏

聞事竊臣查發帑收鹽每年除正課銀四十五萬五千  
百八十八十餘兩并應題報額羨銀五萬一千餘百  
兩外雍正四年四月內督臣孔毓珣將耗鹽價銀  
一萬三千六百餘兩廣西省官運官銷餘銀一萬  
兩前督臣楊琳發存廣西鹽包收完零尾銀五千  
兩再五百餘兩又零星湊起銀一萬餘百兩共成四萬

兩

奏爲直隸開濬河道之用嗣准部咨行令接任總督  
將子鹽照舊存留每年據實題報等因在案茲臣  
統算共收過子溢鹽價銀又前督臣楊琳發存廣



西鹽包陸續收起銀連督臣孔毓珣移交子溢鹽價併廣西省餘銀共積湊銀五萬兩現貯鹽運司奏庫此竝不累民亦不累商又不累官俱係公項臣謹繕摺奏

進再查現今奉

旨撥廣西倉穀三十萬石運赴廣東夫船腳價俱於兩省藩庫動支請將臣所奏之五萬兩抵補庫項除另摺請

旨外謹

聞奏

此項當時孔毓珣料理甚屬可嘉不宜更張

同日又

奏為請

旨事竊廣東去歲秋雨稍多晚收微歉荷蒙

皇上軫念民依特撥廣西存倉穀三十萬石運赴廣東存貯臣遵卽飛飭廣西省委員起解并令廣東省委員接運務於青黃不接之時運至廣東至所需夫船腳價銀兩部議令於兩省藩庫內動支照時價分給造冊題銷臣思此項穀石自廣西桂林等四府二州運至廣東肇慶廣州等處遠近不一費

殊批諭旨



用殷繁查兩省藩庫除奉撥兵餉之外存銀無多  
動支之後庫項不可虛懸臣管理鹽務計算雍正  
四年所收銀兩除正課及額報羨餘之外尚有子  
鹽餘耗等項共積湊銀五萬兩臣請於運穀事竣  
之日卽按題銷數目將此五萬兩抵補兩省庫項  
如有餘剩就近移存藩庫候撥倘或不敷再於雍  
正五年子鹽餘羨等項內補足庶兩省之庫貯無  
虧矣伏乞

皇上睿鑒批示遵行謹

奏

此項銀兩照孔毓珣料理

雍正五年三月二十二日署兩廣總督臣阿克敦  
謹

奏竊廣東因去歲被水歉收米價畧昂荷蒙

皇上天恩撥廣西倉穀三十萬石存貯東省臣於正月  
內接准部文卽飛催兩省布政司委員起運接運  
去後茲於二月二十三日起自梧州府運至廣州  
者四次共八萬二千餘石約計閏三月內外可以  
運完百姓見倉穀源源而至有穀者俱行出糶米  
價頓減肇城每石一兩二錢有零再惠潮一帶春

硃批諭旨

十九

阿克敦



麥倍收廣肇等府麥收俱好儘可資助民食現今晴雨以時稻秧豐茂民情帖安謹此奏

聞

覽奏米價頓減春麥倍收大慰朕懷此皆卿等能仰體朕意實力奉行俾兵民心志舒暢感召和氣之所致也勉之勉之但不可稍有自滿

天道虧盈而益謙禍福互相倚伏將此二語不令一時去

懷自然永永蒙庥也

同日又

奏為奏

聞事竊廣西梧州府蒼梧縣之芋茨山界連懷集賀二

縣并廣東肇慶府之開建封川等處山路險峻出

此案朕時刻繫念昨於田峻赴廣西時又經再三嚴諭

今覽此產礦砂上年有姦民李亞展潘十八等招集夥黨

攜帶器械占住山口跟隨者不下千餘人官兵屢

次驅逐而礦徒出沒無常經督臣孔毓珣將都司

岳咨

題參革職并檄行兩省通緝在案臣到任後即嚴飭

文武率兵搜捕隨據肇慶協副將李斯援差委弁

目擒獲礦犯總理潘十八大旗手譚六等十四名

如此方是殊為可喜

暨旗鎗各械解臣衙門臣即親訊押發廣西按察

殊批諭旨

二十

阿克敦



司收審其為首之李亞展脫逃未獲臣復懸賞購

緝密飭各該地方官訪拏茲據高要縣知縣姜弘

擒獲李亞展可嘉之至該縣及差役俱應亟加獎勵縣

令且當題請議敘若從前有疎忽之咎則只可將功補

復親訊押發廣西按察司收審聽撫臣具

過耳題結案外查李亞展潘十八係偷挖芋莖山礦砂之

渠魁今兩犯先後就擒餘黨聞風遠遁現今芋莖

山場俱已肅清再廣省盜賊皆由積年盜首蠱惑

窮民每至聚黨劫掠若能獲其為首者餘夥不難

如李亞展等類有名數大盜若皆就獲粵省之盜風可

解散加以文職力行保甲武職勤於巡防則盜可

望全息矣臣莅任之初即督率文武各員惟

弭而民可安矣臣莅任之初即督率文武各員惟

以弭盜安民為首務經臣訪實之積盜十有餘人

俱已陸續就獲訊明各歸本案現在地方仰賴

好極朕欣悅覽焉其極力加勉

皇上威德頗覺安靜謹此奏

聞

知道了

同日又

奏為欽奉

上諭事雍正四年十一月十五日准督臣孔毓珣面交

硃筆一首

硃批諭旨

主

阿克敦



上諭一道

硃批奏摺一件併鈔錄奏稿一摺內開奉到海洋

硃諭一道與

硃批臣議覆金鐸條奏摺一道因撫提二臣尚未畫一

議覆不能會奏今交署督臣阿克敦俟撫提二臣

覆到會奏等因臣隨敬謹收貯併咨移撫提二臣

去後茲准撫臣楊文乾咨開查海洋弭盜之法一

日分巡一日會哨兩者實相表裏不宜偏廢且提

督

奏內雖專主本汛遊巡之議亦已慮及遊巡或有懈

怠更請按季輪委總兵副將巡查若輪委鎮協卽  
係現在統巡之官而按季巡查又與定例輪班統

奏巡無異似不若悉遵舊例無庸更改又准調任提

督臣萬際瑞咨稱遊巡會哨一案如撫院所議遵照

奏舊例實爲至當相應仍舊等因各到臣查與督臣

孔毓珣原議俱皆畫一臣復細加訪察粵省分巡

會哨之法自康熙五十六年前督臣楊琳

題准自南澳而西龍門協而東分爲三路輪派統巡

分巡每路洋面不過千里內外兵丁勤惰易於稽

查匪類竊發易於會捕遵循已久甚爲有益惟當



嚴飭各官實力奉行一遇有盜合力勦捕仍令將  
下班官兵分布要汛巡防彈壓則自無前去後空  
之患而海洋永保寧謐矣謹將原奉

硃諭及

硃批奏摺恭封

奏繳伏乞

皇上睿鑒謹

奏

據奏所見甚是朕亦知舊例最善但萬際瑞前奏許多  
不宜處朕不得不加詳察後已知其所論不確今諸臣

之議既皆畫一仍照舊例而行可也

同日又

奏竊臣奉到臣奏

聞殷邦翰一摺

硃批諭旨臣在廣州署將軍任內見過殷邦翰卽領咨  
進京臣見其有辦事之才而人不純正衆亦怨其  
殘刻因據所知摺奏懇求

皇上於引合備類前案決意懲辦臣等亦曾奏請  
見時洞察其爲人及跪讀  
諭旨凡屬員中有立意沽長厚之名而不肯破顏整理

硃批諭旨

三

阿克敦



儲地方事務者宜嚴懲以警衆假若實係居心深刻兵  
朕此諭凡爲封疆大吏者當書諸紳以爲終身誦則斷  
民交怨性急過剛但知有己而不知有人傲上陵下  
不至屈抑實心效力之賢員也  
與衆不合翻駁前案形迹鑿鑿可據者自當詳察糾  
劾欽此仰見

皇上衆惡必察衆好必察之

聖心煌煌

天語超越古今臣惟有銘刻五衷信受遵奉庶不受人

果能如此必獲次盜  
之愚以無忝厥職則自此以往何莫非我

皇上訓誨之

洪恩所有奉到原摺

硃諭恭封呈繳謹

奏

覽

雍正五年閏三月二十五日署兩廣總督臣阿克

敦謹

奏竊臣准廣西撫臣韓良輔鈔送

奏明廣西天河縣監犯莫東旺越獄緣由請撥兵圍

堵擒捕一摺奉候冊降

硃批諭旨知道了應如何料理可與督臣詳悉商酌行

之欽此欽遵臣查監犯越獄法難寬貸况莫東旺係



蠻賊抗拘經兵威脅服投首之犯更與尋常越獄者不同斷不可任其縱逸今撫臣議撥漢土官兵分路深入繪圖列冊到臣復酌議數條咨覆俟議定作何擒捕務獲另行奏

聞外所有臣咨覆畧節恭呈

御覽謹

奏

詳悉籌畫爲之母稍忽畧

雍正五年四月二十一日署兩廣總督臣阿克敦

謹

奏爲欽奉

上諭事竊臣接准吏部咨奉

上諭到臣遵卽飛檄該管文武立將羅文剛密拏務

獲不得疎脫去後茲據署提臣張傑咨據思恩協

副將梁名望稟稱遵卽行委土田州知州岑應祺

聞再奉議土州州判邵銓及防田千總邱培秀選差日

兵相機擒拏就據土田州稟報卑土州借查隘爲

名於閏三月二十七日抵坡洪村差日往諭羅文

剛曉以利害令其出投文剛卽於是日同伊叔文

觀出投將文剛先行起解文觀暫留押令喚齊弟



男子姪另文申詳文剛所管衆村民業已陸續出  
投邵州判現在查點安插等語除將羅文剛押解  
思恩府外合行呈報轉咨到臣隨檄行廣西按察  
司嚴審招報在案所有擒獲羅文剛日期理合奏  
聞再兩廣交界芋茨山之礦賊臣到任後將爲首之李  
亞展潘十八等先後擒獲歸案審究現今山場寧  
靜業經具摺  
奏明至清查疆界分別防範管理定爲規制之處俟  
臣到任後到日臣謹遵  
旨會核具奉

題謹

奏

據李紱甘汝來業已奏聞俟汝具題到日有旨

大恩雍正五年五月二十九日署兩廣總督臣阿克敦

奏爲恭謝

天恩事竊臣接准部咨奉  
旨阿克敦調補吏部左侍郎其吏部侍郎事務仍著查  
聖郎阿署理欽此欽遵伏念臣一介庸愚荷蒙  
皇上不次之恩擢領翰苑清班歷試禮兵部務復膺

硃批諭旨

三六

阿克敦



簡命委署封疆雖夙夜冰兢勉效涓埃以自勵而聖恩稠疊多慚報稱之未能何意

寵命遙頒特調銓衡重任

榮逾非分感悚彌深惟有盡臣之心竭臣之力以期仰

副我

皇上教育之隆恩於萬一除另疏具奏外謹繕摺恭謝

天恩謹五正辛酉二月十九日

奏

覽

勉之楊文乾尚需數月方能旋任不可因署理而因循

懈怠亦不可將未審事情急遽更張竭力酌中料理以期合於至當

同日又

奏竊廣西永順長官司鄧朝宸因伊父鄧啟明控告

該土司慘殺親叔鄧啟慧等七命批提質審抗不

聞 遵奉經撫臣韓良輔會臣

題參革職差員前往摘印詎該土司畏罪潛逃臣聞

報飛移署提臣張傑檄調附近漢土官兵圍捕去

後茲據柳慶協副將潘紹周慶遠府知府徐嘉賓

詳稱已於本年四月二十四日據永定長官司韋



廷璧等獲解鄧朝宸到府當堂繳出印信押交羈  
候等因到臣除批回嚴飭監禁候  
旨審擬外事關參革土司懷印脫逃旋被擒獲臣不敢  
隱匿謹具奏  
封疆大吏若肯事事如此實力奉行何慮天下不大治  
也

同日又

奏竊臣於雍正四年九月二十三日接奉

硃筆

上諭侍衛胡廣於上年八月十五日到廣臣署將軍印

務經督臣孔毓珣會

題請補左翼鎮標左營遊擊臣隨恭繳奉到

硃筆

上諭并將欽遵試用之處具摺回

皇奏復蒙

硃批朕看此人甚屬不妥當留心試用欽此欽遵臣於  
皇上署總督印後細察胡廣爲人實屬糊塗粗率但頗  
諳水性補授遊擊以來巡查各汛兵丁間有怨言  
訪其致怨之由祇因巡查太緊待兵過嚴竝無尅

硃批諭旨

天

阿克敦



扣虛冒情弊臣留心試看目下尙屬守法可否仰  
懇 水批諭旨 臣等查谷月共下開各惡言

皇上念其武夫節取以觀後效臣仍不時查訪幸有懈

此奏殊屬贅語法豈慮不見信於和批弛卽行糾參臣斷不敢徇庇胡廣一人上負

朕耶皇上委用之隆恩也謹

上奏并批諭旨 臣等查谷月共下開各惡言

所奏朕甚嘉悅如此方是朕總就事論事就人言人從

不預立成見才不及者若肯奮勉自勵改過遷善卽是

矣才優者若放縱自滿則非矣全賴爾等大吏秉公據

實甄別激揚以副朕用人之心如朕先有定見何必又

發往令爾等試用耶看胡廣雖似糊塗光景是一粗直  
出力報效之人於孔毓珣陸見時朕亦言及此事可將  
爾所奏并朕此諭令孔毓珣知之毋致冤抑於彼也

雍正五年七月初一日署兩廣總督臣阿克敦謹

奏爲奏刺開墾事宜事分念

聞事竊廣東海疆遼濶姦匪出沒不常定例每年自南

澳以西龍門協以東派委統巡分巡各官輪班查

緝盜賊茲雍正五年上班官兵經臣派委於二月

閏 初一日出洋起六月初一日撤師止各路洋面俱

極安靜除另派委下班官兵已於六月初一日接



班出洋巡查外所有上班海疆寧謐情形臣謹奏

聞

卿等督撫若能秉公持正實心任事則其效不虛地方

自然寧謐無事也

奏為敬陳開墾事宜事伏念

盛世戶口滋蕃惟墾荒可以足食欽奉

上諭令督撫悉心勸導實力遵行但粵東勸墾之條屢

頒報墾之數無幾民多觀望不前者其故有四一

由豪強之占奪一由胥吏之需索一由資本之不

敷一由土瘠而畏日後之墾科以上四條百姓之

觀望不前者在此而所以勸導之方亦在此勸導

之方有五一定疆界以絕爭端一禁需索以寬民

力一借籽種以助農工一輕墾科以示優恤一廣

招徠以盡地利如此則民無觀望不前之心而報

墾者自必接踵而至抑臣更有請者勸懲之法不

可不講也其要有二一荒田既墾其利在民墾科

之後倘遇歉收或避稅他往其責成則又在官故

此議尚須斟酌初墾自不難於勸導恐至墾科時不保

官之勸墾不力者職由此耳今宜明示勸懲如州

其不拋荒耳不肖官吏為圖一時之議敘當下朦朧報

縣官能勸墾十頃以上者紀錄一次多者計算加

殊批諭旨

三

阿克敦



捐報墾若干項有名無實等弊亦不可不計及也  
級現任官能捐籽種牛具墾荒至三頃以上者紀  
錄一次多者計算加級倘勸墾不力廢厥職守卽  
據實叅處則官知勸懲矣一凡富厚有力之家率  
先遵奉以開墾之多寡分別獎勵如墾至一頃以  
上該地方官給賞花紅二頃以上給賞匾額五頃  
以上照終身力田老農例  
題請給與八九品頂帶榮身則民知自奮矣臣查粵  
省在在俱有可耕之土而惟惠高雷廉四府荒地  
更多復面令各知府詳議隨據議覆前來與臣所  
見無異臣與署撫臣常賚面商亦謂於地方有益

謹繕摺具

奏伏乞

敕下議覆施行謹

奏

楊文乾前在京時朕曾以墾荒一事備悉問伊所奏約  
畧相同未如爾此奏周詳爾俟楊文乾回粵後竝同孔  
毓珣三人詳議具奏

雍正五年七月十一日署兩廣總督臣阿克敦謹

奏爲恭謝

天恩事竊督臣孔毓珣奉

硃批諭旨

三

阿克敦



旨回任將次臨境臣正在料理交印事務於七月初八日接准部咨奉

旨孔毓珣回任後阿克敦著署理廣東巡撫印務常賚著卽赴福建新任欽此欽遵除俟孔毓珣回任交印後卽遵

旨赴省署理巡撫印務另疏恭謝

天恩所有應行事宜奏請

聖訓次第辦理外伏念臣猥以菲材毫無報稱疊膺封疆重寄惟有感戴

洪恩勉竭心力以仰答

高厚於萬一耳臣謹具摺恭謝

天恩謹

奏

但將柔善之病除盡科甲二字忘却諸凡料理庶幾是

矣

同日又賞給合署天河縣刺殺民帶賄土兵優

奏爲奏

聞事竊廣西天河縣獐賊莫東旺越獄一案臣已將檄

行該管文武官弁嚴緝務獲併將議覆擒捕事宜

奏摺

硃批諭旨

三

阿克敦



奏奉

硃批詳細籌畫爲之母稍忽畧欽此欽遵臣密飭文武  
官弁多方躡緝懸賞購獲去後茲於七月初十日  
據慶遠府知府徐嘉賓稟稱卑府與副將潘紹周  
懸示重賞飭令署天河縣陳舜明帶領土兵鄉勇  
親至賊巢駐劄搜捕隨於初五日據該署縣稟稱  
莫東旺已被土人拏獲到案除另文申報外所有  
獲到莫東旺緣由合先飛報等情到臣理合據報

奏

聞伏乞

皇上睿鑒謹

奏

如此方是殊屬可嘉

雍正五年八月十二日署廣東巡撫臣阿克敦謹  
奏竊臣於七月十三日將總督印信交送督臣孔毓  
珣收受隨起身赴省於十九日准署撫臣常賚交  
送巡撫印信到臣當卽開印署理業經  
題明在案臣檢查卷冊見廣州等八處稅羨銀兩向  
俱解繳臣衙門彙發布政司存貯但其中有難於  
查核者管稅各員將收過銀數暗用摺報明用批

硃批諭旨

三

阿克敦



解批解之數留爲案據原報之摺掣銷無跡此則欺隱分肥之巧術也如肇高廉羅道王士俊管理黃江厰原任高州府知府趙庚管理梅塘稅務俱各隱匿銀一千餘百兩經署撫臣常賚查出牌行有案實屬侵欺以此類推則批解之數未可盡信臣思稅羨題報事屬初行如不及此徹底清查將來遂成錮弊除具本

題參外現今通飭各屬將所收羨餘銀兩俱令盡數批解當堂驗兌卽日發交藩司貯庫倘仍敢捏飾查出題參治以重罪庶課餉有可稽察而官方愈

加警惕矣伏乞

皇上睿鑒謹

奏

徹底清查固屬當然但王士俊趙庚尚爲有用之員此等小過猶在可諒當嚴加訓飭令其遷改耳卽便題參似覺少刻知道了題到另有旨旨嚴懲其各州縣與前皇上雍正五年九月十三日署廣東巡撫臣阿克敦謹

奏竊臣奉

旨陞補吏部左侍郎具摺恭謝天恩接奉天恩接奉

硃批諭旨

三

阿克敦



殊批諭旨臣跪讀之下感悚交深惟有謹凜遵奉不敢  
懈弛不敢急遽殫心竭力次第辦理所有臣目下  
辦理情形敬爲我

皇上陳之

一廣東錢糧藩庫款項俱屬清楚其各州縣現飭  
司道府等官不時稽查臣亦留心體訪

一廣東平糶倉穀共有四十餘萬石存價未買已  
勒限冬月補完仍令分往產穀地方酌量採買不  
使穀價騰貴

一粵省審理案件新舊連接總不下數百起臣欽

遵酌中料理之

聖訓不遺餘力應題達者照例題達應外結者照例外

結

一太平粵海兩關稅務臣接任後嚴飭書役人等  
不許侵蝕作弊商賈行戶不許巧避走漏將來一  
年期滿正稅盈餘務期一一補足

一廣東太平粵海稅務歷年題報俱有成規惟落  
地稅等項歸公事屬初行共計八處其中弊竇甚  
多臣現在清查除隱匿稅銀之王士俊趙庚業題

殊批諭旨

三

阿克敦



旨究追外其各屬稅羨統俟清查到日一併核明彙  
奏此外凡有關吏治民生之事容臣悉心辦理隨時

陳請恭候

睿裁指示遵行謹

奏

卽此條奏數款亦非爾能辦之事今命爾往撫粵西若  
仍然罷軟而務欺隱欲望善全旋都不可得也

同日又

奏竊臣遵

旨將試看遊擊胡廣緣由具摺奏

聞接奉

硃批諭旨適督臣孔毓珣在省會同臣驗封藩庫存貯

銀兩遵將

諭旨及臣所奏與孔毓珣看孔毓珣捧讀之下欽服

皇上用人悉本大公至正與臣共相勸勉務期仰副

聖懷所有奉到

硃批奏摺恭封呈繳謹

奏

朕竭力主持大公至正之道其奈諸臣懷私不公何亦  
惟有嘆息而已

硃批諭旨



雍正五年十月二十八日署廣東巡撫臣阿克敦  
謹

奏爲恭謝

天恩事竊臣接准吏部咨文奉

旨韓良輔因軍需案內解任廣西巡撫印務著阿克敦  
前往署理楊文乾未回廣東之先廣東巡撫印務著  
石禮哈署理欽此欽遵臣於接准部文之日卽料理  
交代案件於十一月初一日交印初四日起程前  
赴西省謹此叩謝

天恩謹

奏  
汝於廣東任內有數事欺隱朕深爲寒心

同日又

奏竊臣於本年七月內

奏謝署理巡撫印務一摺接奉

硃批諭旨臣敬啓跪讀惶悚彌深伏思柔善之病乃臣  
氣質之偏仰荷

聖慈屢加訓誨無時不痛自震惕茲復蒙  
天語遙頒惟期力除務盡再臣昔年隨侍

硃批諭旨



聖祖仁皇帝時每代科舉盡再世皆平國科  
諭及漢人師生同年每有門戶惡習滿洲淳樸之風甚善  
聖斷不可改移臣於親聆之餘服膺永矢十餘年來兢  
兢自守近閱邸鈔敬讀

皇上諭旨切中科甲之弊大有益於吏治民生凡係科  
舉甲出身者俱當悔悟況臣身受

隆恩豈甘自暴自棄惟有凜遵

明訓不復稍存科甲之見謹此覆

奏伏乞

皇上睿鑒謹

奏

若言當日服膺

聖祖之訓則是欺

天之語也朕復何諭

聖祖同日又

奏竊臣將隱匿稅銀之肇高廉羅道王士俊原任高

州府知府趙庚

題參緣由具摺奏

間接奉

硃批諭旨到臣思錢糧絲毫為重不肖官員侵隱之

硃批諭旨

三六

阿克敦



林此弊發覺者十無一二既有稽察之責不敢因循寬  
問對縱故據實

題參茲恭繹

諭旨仰見

皇上赦過用人之

聖心直與覆載同其高厚臣不勝惶悚乃蒙

恩宥多方

訓誨臣雖愚鈍當知勉勵所有奉到

硃批奏摺恭封呈繳伏乞

睿鑒謹

奏

據汝此奏則是粵省貪官止此一二一人一二事更無貪  
劣之員矣良心喪盡之言更有何諭汝也

雍正五年十二月初九日署廣西巡撫臣阿克敦

皇上謹題

奏竊臣前署廣東巡撫任內兼管兩關稅務自臣署

事起至離署止所有太平關正羨水脚銀兩俱

一交明署撫臣石禮哈拉無虧空粵海關稅臣就

近料理儘數收解除正羨水脚等項一交明外

又盈餘銀八千餘百兩尚有遠口未到稅銀約有

硃批諭旨

三

阿克敦



共二千兩共計可至萬金俱與署撫臣當面交代  
清楚再經管稅務俱係循照舊規向來徵收稅  
鈔之外有分頭擔頭一項作關務衙門及各口書  
役人等養贍之費臣俱照舊支給至臣署任三月  
餘共收布政司衙門養廉銀一千七百兩零皆荷  
皇上恩賜臣謹奏

聞 廉正五年十二月十八日署廣西巡撫臣阿克敦  
慎重錢糧廉潔自守係爾所能何庸置議但柔懦瞻徇  
之病究不能除奈何不遵朕諭粵東署事甫經半載致  
令通省呼爲阿婆朕實代汝恥之

欽恩雍正六年正月二十九日署廣西巡撫臣阿克敦  
皇上謹

奏 奏竊查廣西上年通省收成約有七八分不等茲立  
春之日天氣晴明農家相傳以爲大豐之兆歷驗  
不爽正月初七八等日時雨露遍麥菜雜植俱各  
暢茂目下米價每倉石一兩一錢有零地方甚屬  
寧靜謹此奏

聞 覽雨暘情形深慰朕懷然此不過預爲之兆耳倘地方  
頑民因此遂放縱不法守土官吏肆志貪暴朕則不敢



期其必驗也卽此可見汝不識本末之理隨俗附和何足與言

天道旣不知

天道亦不足與言人事矣凡庸見解大率同然亦無怪乎汝一人也

同日又

奏爲恭繳

硃批奏摺事竊臣至愚極陋仰承我

皇上不次之

鴻恩屢加

簡用臣自到廣以來初蒞外任諸務未諳錯誤多端署廣東巡撫任內辦理事件甚屬不合復妄行陳奏

荷蒙

嚴諭訓誨臣跪讀之下無地自容慚悔與惶恐交集於中惟期痛改以贖前愆伏乞

皇上寬臣已往勵臣將來則有生之日皆報主之年也所有奉到

硃批奏摺恭封呈繳謹

奏

惶恐則誠有之慚悔或未必然也

硃批諭旨

聖

阿克敦



雍正六年三月二十五日署廣西巡撫臣阿克敦  
謹

奏竊原任廣西撫臣韓良輔摺奏左右兩江土司事  
宜五條奉

硃批諭旨命將此摺亦密與臣看欽此欽遵臣將看過  
緣由

奏明在案臣自署任以來細加訪察如

奏摺內稱土龍州改設之二土巡檢趙墉趙陞不能  
撫綏土民或另擇賢能或竟改土爲流等語查二  
巡檢係新經改設人雖庸懦無甚劣蹟其另擇賢

甚是

能或竟改流之處似屬可緩又

奏摺內稱改流之思明土州措置未當應盡革陋規  
清出地畝歸崇善縣管轄等語查思明土州業經  
前署撫臣甘汝來

覽

題明歸併思明同知專管未革陋規於被劾之太平  
府知府王夢堯與吏目馬宗李互揭案內逐一清  
查審結無庸置議又

奏摺內稱歸順土知州岑佐祚不能鈐束其下亦應  
改土爲流等語查土州先因幼弱爲頭目所制今  
已長成業將土屬公田報官完餉經督臣孔毓珣

硃批諭旨

聖

阿克敦



是題准部覆現委員前往查勘歸入賦額亦可無庸置議又

奏摺內稱思明土府屬之鄧橫等四寨環水植竹恃險拒捕等語查鄧橫等四寨臣於新調太平府知府王國坦赴任時面飭親往查勘茲據該府報稱竹已砍完所藏牌刀等械俱各繳出悔罪輸誠遞母得將就姑容當加詳察具不敢為非甘結在案無庸再議又

奏摺內稱西隆州惡目顏光色西林縣惡目潘兌等屢屢仇殺抗不服拘等語查潘兌已經自行投首現在飭審其顏光色仍抗拘不到近又劫殺弄忙

已據孔毓珣奏聞矣

者莫二寨斷難姑寬據該州通詳復准督提二臣會商到臣已酌撥兵役飭令文武相機擒捕矣謹此奏

聞將此摺俟接任到日交與諭令看過另行呈繳

同日又

奏竊廣西司庫正項錢糧現據布政司郭銜與原任藩司黃叔琬交代盤查並無虧空其公費雜項亦遵例逐一清查另行報部至通省倉穀除先奏續參虧空黻爛各案外應存倉穀共一百二十餘萬

殊批諭旨

聖

阿克敦



石此內部行勻貯及四五兩年平糶應買補倉穀  
共三十九萬餘石臣署任後卽嚴飭催買陸續據  
各屬報買者將及三十萬石尙有已買未曾報到  
者俱經委官分往盤查約計未買之穀不過六七  
萬石目下東作方興買穀有妨民食暫令停止仍  
飭布政使俟秋成購買甚屬易易布政使郭銜一  
力承認臣謹繕摺奏

聞謹

奏

郭銜若不一力承認汝又將如何料理身爲封疆大吏

似此游移推卸無恥之言何顏形之筆墨以奏朕耶

硃批諭旨

四

阿克敦



硃批方觀奏摺

雍正七年七月二十五日浙江按察使臣方觀謹

奏爲恭謝

天恩事臣蒙

皇上擢用浙江按察使莅任以來恪遵

聖諭勤謹辦理猶恐才識疎庸未嫻法律多有錯誤時

切冰兢茲布政使高斌調任江蘇所有浙江任內

交代之事復奉

特旨命臣暫接兼理仰荷

殊恩感激難名理合繕摺恭謝

硃批諭旨

方觀



天恩再督臣李衛前經

題委高斌護理鹽政印務今因高斌離任赴蘇商之

督臣轉交到臣接受護理任劇事繁彌滋悚惕惟

有益加黽勉小心供職以冀仰報

聖恩於萬一合併奏

聞謹

奏

竭力勉爲之母負朕恩莫自誤一生功名事業

同日又

奏爲敬陳地方情形仰祈

聖鑒事臣奉

命莅浙經今六月地方情形悉心體訪向時風俗淳澆

不一惟杭嘉湖紹金五府及寧波之慈谿奉化溫

州之瑞安台州之天台仙居衢州之龍游人多刁

健尤爲難治數年來仰蒙

皇上聖教鴻敷恩施疊沛紳衿百姓咸知感悟豪強斂

跡姦匪潛蹤舊染積習日漸廓清是以上召休和

雨暘時若蠶麥豐收秋成在望湖面海洋悉皆寧

謐自春及今據報盜劫止有三案臣惟恐地方官

有勒抑諱匿之弊統令各據原詞申報嚴緝夥盜

硃批諭旨

二

方觀



質審分別定擬其穿窬小竊時飭地方官嚴查保  
甲比捕緝拏至團練鄉勇自相捍衛卽古者寓兵  
於農之法但律嚴私蓄軍器例禁教習拳棒原以  
杜民滋事綏靖地方若假以選練之名濟以格鬪  
之具誠恐好勇鬪狠之徒或致藉生事端似宜概  
行停止各屬有司官員偶有敗檢卽掛彈章是以  
人知警畏循謹奉公但肆應長才尚屬難得甚愚  
以爲

命往浙江試用人員未經得缺者現有二十人若照在  
試用人員朕近有旨令其在於兩司處學習未思及  
部學習行走之例分派於繁劇衙門令其學習辦

分派州縣分派州縣似乎更當汝等再加商確擇善而  
事則刑名錢穀俾得逐事講求補缺之後已經歷  
從詳明督臣具疏題請亦可練自可收駕輕就熟之效或亦造就人才之一助  
也臣不揣愚昧仰陳

聖鑒不勝悚惕之至謹

奏

嘉悅覽焉凡事講求至當而行毋令過偏次第料理徐  
徐不間日久自然就緒也

所奏窩盜處分一摺現發九卿議奏另頒諭旨

雍正七年閏七月十八日浙江按察使臣方觀謹

奏爲敬陳鹽政仰祈

殊批諭旨

三

方觀



聖鑒事竊臣接護鹽政通查杭紹嘉松四所去歲新鹽過掣之時存倉舊鹽不過十萬引今歲竟存至二十萬引似此積漸不已必致仍前壅滯查雍正六年督臣李衛與兩江督臣范時繹等會議鹽政一疏曾經聲明貧難小民負鹽四十斤但許其於不銷官引地方照數易米度日如在銷引地方公然買賣仍同私鹽一體查拏部議

題准在案今兩淮產鹽之地如通泰等處附近場竈原未設有官引民間皆食竈鹽應許照數買賣至於上江湖廣江西河南行銷鹽引之地則顆粒不

准私售江都亦屬銷引地方何可概行負鹽四十斤之例轉滋縱漏況兩浙之松江杭州寧紹溫台遍枕海隅凡行銷引地卽係產鹽之所倘許負鹽四十斤老少婦女何室茂有皆得藉稱貧難家出數人日運數次則徧地皆是私鹽何處更銷官引在浙省地方係臣所屬自當竭力整頓江南各府未免勢隔情睽仰懇

聖恩敕令江省督撫提鎮嚴飭各屬文武員弁凡商店銷引之處遇有私鹽不論數目多寡立時拏究但其間有一二鄉愚偶然販賣並無夥黨而鹽數又



不滿三十斤者請從寬免罪以廣

皇仁至於貧難小民督臣李衛先經行令每縣查報四  
五十名給與木籌赴官店買鹽挑賣應令再行確  
查凡係鰥寡孤獨疲癯殘疾實在貧難小民又無  
孤貧口糧者造冊給籌每日許赴官店買鹽二十  
斤每斤照時價減一釐給與店票按日迴銷俾得  
覓利養生用副

聖主軫恤窮黎之至意如有府縣官沽名市恩縱私不  
緝致虧引課者著落照數分賠庶幾官引不至壅  
滯而

國課自無虧缺矣緣臣現護鹽政謹陳末議仰祈  
聖鑒謹

命奏

所奏嘉悅覽之候朕再加斟酌有旨

雍正七年十二月初二日浙江按察使今陞西安  
布政使臣方觀謹

奏為恭謝

天恩事竊准督臣李衛行知准吏部咨開雍正七年十  
一月初三日內閣奉

上諭陝西西安布政使員缺著浙江按察使方觀補授

殊批諭旨

五

方觀



欽此相應知照到臣臣隨恭設香案望

闕叩頭謝

恩訖伏念臣以一介庸材屢蒙

皇上簡拔任用超擢按察使寸長未效時切冰兢乃未  
及一載復荷

天恩授臣今職理財字民承流宣化責任綦重報稱逾  
難聞

命之下感激交深罔知所措惟有矢竭心力益加黽勉  
恪供厥職冀以仰報

高厚於萬一爲此繕摺恭謝

天恩謹

奏

竭力自勉莫負朕知遇之恩諸凡以不欺隱爲最要於  
此尤當加勉

雍正八年二月初六日陝西布政使臣方觀謹

奏爲瀝陳微臣患病情形仰祈

聖鑒事竊臣體質羸弱素有痰喘之證每冬一發旋亦  
平復至上年十月望後舉發尤甚乃於十月初

命自三日奉

旨授臣西安布政使十一月二十五日部文行知到浙

殊批諭旨

六

方觀



命自天懽欣感激罔知所措隨具摺

奏謝即請督臣李衛委署以便赴任於本年正月十

七日奉督臣行文令將印務交杭州府知府喬世

臣護理臣隨於十八日交印卸事二十一日登舟

北發不意途次病勢轉劇甚難支持二十八日舟

抵揚州輿疾至家延醫調治一面僱覓頭口隨於

本月初三日長行初四日至六合縣氣虛喘急甚

覺委頓再四思維

皇上聖明仁慈體恤臣下無微不至以臣受

嘉悅之懷筆不能喻大小臣工咸如此領會朕意朕復  
恩最深犬馬微軀正宜倍加慎重以為圖報之地若竭  
何憂蹶前往設有疎虞轉為上負

天恩即暫駐六合延醫服藥俟病勢平復即便星速前

往理合繕摺奏

聞伏乞

聖鑒謹

奏

西安布政缺另用人矣汝回家加意調攝候遣御醫前  
來看視痊愈後摺奏朕知

奉同日又

殊批諭旨



奏爲奏

聞事臣蒙

皇上擢用西安布政使兩浙鹽商以臣曾護鹽政循照舊規公議送銀二千兩以爲長途之費臣通行力阻瀕行之際衆商仍送盤費銀一千兩臣堅拒不受督臣李衛以臣護理鹽政三月將雍正七年鹽政衙門養廉銀兩按季撥給臣一千二百兩臣亦再四辭讓李衛云此係奏明恩賞之項既經護印理無可辭臣因不敢固却現今長途盤費醫藥取給敷裕皆出自

皇上天高地厚之恩也理合具摺

奏明謹

奏

此係當領受者何必過辭凡似此矯廉以自高之舉朕所不取也誌之

同日又

奏爲恭謝

天恩事臣前接臣胞兄方鴻家信知臣兄蒙

皇上特授河南襄城縣知縣聞

命自天感激無地伏念臣疊荷

殊批諭旨

八

方

觀



天恩有加無已莫可報稱正切悚惕復蒙

皇上恩及臣兄由教職微員擢授縣令破格錄用

榮寵逾涯臣隨信囑臣兄殫心竭力勉供厥職務於地

方力行實政以仰報

皇上天高地厚之殊恩所有頂戴微忱理合繕摺奏

謝伏祈

聖鑒謹

奏

汝兄具有心胸料必不肯辜負朕恩也

硃批鄂昌奏摺

雍正七年六月十八日陝西寧夏道臣鄂昌謹

奏為恭謝

天恩事雍正七年六月初十日接得甘肅撫臣許容傳

帖云奉

旨許臣奏摺臣即恭設香案望

闕叩謝外竊臣一介庸愚粗能識字甲辰科謬叨鄉薦

前歲經本旗保舉引

見蒙我

皇上不棄葑菲即用為戶部主事甫及一載又蒙

硃批諭旨



皇恩擢爲道員許臣奏摺臣何人斯受此  
異數唯有實心任事虛心體理不敢怠玩苟安不敢沽  
名邀譽倘能竭盡駑駘以圖報

聖恩於萬一則非獨臣一身之幸亦臣祖宗父叔之深  
幸也臣於四月二十九日到任目下承辦軍需渠  
工諸務并查受庫貯軍需渠工籽種銀兩交代至  
地方民情土俗一切事宜臣係新任尚未悉其底  
裏容臣細心諮詢俟有確知灼見不時陳奏以請  
睿裁今因奉到許臣奏摺之  
旨理合具摺恭謝

天恩謹

奏

汝責任中事固應循分盡職至於辦理之當否自有該  
上司考察遇便奏聞亦可或不奏聞亦可朕斷未有不  
信督撫兩司而專聽信道員之理今許汝等下僚亦得  
摺奏者不過欲廣耳目之意於汝責任外一切地方之  
利弊通省吏治之勤惰上司孰公孰私屬員某優某劣  
營伍是否整飭雨場果否時若百姓之生計若何風俗  
之淳澆奚似卽隣境遠省以及都門內外凡有駭人聽  
聞之事不必待真知灼見悉可以風聞入告也只須於



奏中將有無確據抑或偶爾風聞之處分析陳明以便  
朕更加採訪得其實情汝等既非本所管轄欲求真知  
灼見而不可得所奏縱至謬誤失實斷不加責但密之  
一字最爲緊要不可令一人知之卽汝叔鄂爾泰亦不  
必令知假若借此擅作威福挾制上司凌人舞弊少存  
私意於其間豈但非榮事反爲取禍之捷徑也當仰遵  
朕訓慎之又慎遇有應奏之事何妨一月屢次上聞如  
無可奏便數年不奏亦豈罪汝母因無事可奏搜羅瑣  
細摺拾浮詞而塞責妄陳朕日理萬幾應接紛紜何暇  
批覽不關緊要之謬說耶齋摺人來徑投怡親王府轉

奏汝受朕拔擢之恩當矢志效法汝叔鄂爾泰果能企  
及汝叔之居心行事則爲汝叔一流人物矣於以光耀  
祖宗揚名青史顧不美歟第一操守堅定其次秉公輸  
誠毋託小廉曲謹之行而爲誤國欺君之事毋徇趨利  
避害之心而違人臣致身之道不可傲慢上官不可輕  
蔑屬吏尤不可逢迎上官姑息屬吏臨民蒞政寬嚴並  
濟懲勸兼施凡百總不必預立偏見惟宜因人隨事評  
情酌理虛衷以處之能如是固守根本其餘枝節邊事  
文移案牘之未練地方情形之未周勉力學習可計日  
而能也卽使初歷外任措置容有不協斷不至有蕩檢



踰閑之失心誠求之雖不中不遠矣勉之勉之

雍正七年九月初一日陝西寧夏道臣鄂昌謹

奏為奏

聞事竊臣到任以來欣逢寧夏今歲雨水調勻秋禾茂

盛收成甚好兼之渠工告竣渠水暢流開設之新

渠寶豐二縣招納之戶口俱各安生樂業此我

皇上至誠格

天使萬民坐享無窮之福臣邊省微員覩此豐亨景象不

勝慶幸之至謹

奏

深慰朕懷

同日又

皇奏為密陳管見恭懇

皇恩事欽惟我

皇上念甘肅等省歷年軍需雖動公帑辦備亦資民力

特沛洪恩將庚戌年額徵銀兩悉行蠲免此誠

聖主愛恤生民天高地厚之至意臣查甘省所屬之河

東四府原係里民額徵者多銀兩河西四府原係

屯民今改為州縣額徵者多本色凡遇蠲免多不

殊批諭旨

鄂昌

四

鄂昌



免本色如今歲大兵出口河西承辦軍需十分之六七河東所辦不過十分之三三四河東因額徵銀兩蒙免甚多河西因額徵本色蒙免無幾伏查此類亦番蠲免乃皇上格外之恩非尋常可比請將河西庚戌年額徵本色內亦量免其十分之三或十分之五後不為例是則四府邊民倍沐

皇仁於無盡矣再查寧夏一府現貯倉糧一十一萬二千四十石零其別府大概可知明歲兵丁應支本色糧石亦不至於缺誤為此具摺陳

奏伏乞 皇上睿鑒施行謹  
奏請蠲免二粟之水  
所奏是日前業經有旨諭部  
奏同日又

奏為奏明邊鎮營伍情形事竊查寧夏為邊方重地而營伍尤關緊要近因總兵官郭成功年老精神不能應事而各營將弁任意疎忽怠玩多不遵號令以致寧鎮營伍大半廢弛臣居住同城見此情



聞伏乞聖合奏

皇上睿鑒謹率職營計大半窺厥罪狀於同知與此計  
奏不指熟事而各營謀其計意將必怠不致  
為此亦經有旨矣眾要並因辦兵官等如以平李赫爾  
雍正八年二月十五日陝西寧夏道臣鄂昌謹  
奏為恭懇

皇恩事竊臣查寧郡萬民衣食之源在乎

大清漢唐三渠之水利所以每歲自清明起至立夏  
止水利同知及時疏濬修理民田得資灌溉奈歷  
年專司之員疎忽怠玩只圖折草折夫致各開道

秦泮岸逐漸損壞時有衝決渠身淤塞日見淺窄而  
三渠之中惟唐渠為尤甚其口過低其梢過高水  
勢不能逆流而上多誤小民耕種之期前因署水  
奏利同知鳳翔府通判靳樹鏃玩忽渠務經臣詳稟  
聖時撫臣許容

題參奉

旨將靳樹鏃枷示渠工著令賠修欽遵在案除在靳樹  
鏃任內衝決者令靳樹鏃修理外其從前積年損  
壞之處亦復不少若再不加補築以後日復一日  
更難設措現在兵部侍郎臣通智等開濬惠農昌

殊批諭旨

六

鄂昌



潤三渠頗悉寧夏一切水利伏乞  
皇上諭令通智史在甲卽行查議今歲預辦料物明春  
動工修補務使三渠永固則邊郡黎元倍沐  
恩膏於無盡矣爲此據實陳  
奏恭請

聖裁謹

奏

此奏甚屬切要另有諭旨由部頒發  
雍正八年十月初一日陝西寧夏道  
鄂昌謹  
奏爲修補渠工事欽惟我

皇上念寧夏三渠荒廢日久

特命大臣

發帑補修以足萬民衣食之源此誠

聖主格外之恩寧郡無窮之福也惟是寧夏邊居西北

地氣甚寒歲修三渠必待清明冰凍初開方可動

工立夏工程完畢卽行放水先澆麥豆次灌稻田

務使芒種以前二輪水足禾苗始能茂盛倘立夏

不能放水遂致有誤農期伏查此番修理工程浩

繁非尋常歲修之可比而三渠共長五百餘里開

道共十餘座若一齊興工則一月之內不能告竣



尤恐限於時日忙迫之中不無草率之弊若將三渠分作兩年修理實為便易再查三渠雖俱荒廢而其中惟唐渠為尤甚伏乞

皇上諭令兵部侍郎臣通智太常寺卿臣史在甲明春先將唐渠修好其

大清渠漢渠仍令動歲修額設夫料照常修理至壬聖主于年再將

大清渠漢渠修補則工程既得從容就理而農期亦不致有悞矣謹

奏

另旨密諭通智史在甲等酌量先後次第修理

雍正九年六月初二日陝西寧夏道臣鄂昌謹

奏為奏

聞事欽惟我皇上俯念邊土

頒發帑金開濬惠農昌潤二渠又

特命修補

大清漢唐三渠此誠

聖主之隆恩寧民之厚福也今歲唐渠工竣水勢暢流  
大惠昌二渠之水較前頗為通順

殊批諭旨



大清渠漢渠之水亦皆得澆灌兼之雨澤調勻各處  
墾土山田俱遍經布種夏秋禾苗十分茂盛足望豐收  
大童叟咸欣城鄉共慶臣職任地方曷勝懼忭之至  
恭命謹謝

奏

據奏渠水暢流雨澤調順朕以手加額覽焉

雍正十年八月初一日甘肅布政使臣鄂昌謹

奏為恭謝

天恩事雍正十年七月二十七日蒙甘肅撫臣許容案  
驗准吏部咨奉

上諭甘肅布政使員缺著寧夏道鄂昌補授欽此飭行

到臣臣即恭設香案望

闕叩謝訖竊臣一介庸愚至微至陋荷蒙

皇上天恩由主事而擢任道員由僉事而加銜參政今

旨合復具謝恭摺

特授臣為甘肅布政使聞

命之下感愧交集驚惕難安恭記宗父時之教幸也

聖諭有云臨民莅政寬嚴並濟懲勸兼施凡百總不必  
皇預立偏見惟宜因人隨事評情酌理虛衷以處之又

臣叔鄂爾泰曾訓臣云虛心求理刻意去私惟公

殊批諭旨

九

鄂昌



斯明惟平斯允臣惟謹將  
皇上聖諭并臣叔父訓言悉心體認極力遵循倘能竭  
聖心盡駑駘以仰報  
聖恩於萬一是臣之深幸亦臣祖宗父叔之深幸也今  
拜對奉到授臣布政使之  
旨合先具摺恭謝

天恩謹恩由主事

關奏

覽奏謝知道了勉之勿懈

上諭同日又

奏為奏

聞事竊查寧郡今歲夏田所收麥子豌豆已得九分秋

田所種稻穀青豆糜子之類現在滋長茂盛大半

奏成熟足望十分收穫兼之渠工既緩農務愈勤小

皇上民仰沐式之至意查辦軍需

皇上天恩家家衣食豐裕凡屬轉運軍需各俱踴躍爭

先急公努力臣目覩情形曷勝懼怖之至謹

奏

覽收穫情形朕懷曷勝欣慰

奏雍正十一年正月十二日甘肅布政使臣鄂昌謹

殊批諭旨

十

鄂昌



奏爲密奏事竊查西寧一郡地處極邊去歲秋田未收冬春之交糧價甚昂所有駐劄滿漢官兵以及馬匹應需糧料草束等項供支浩繁買運維艱臣辦理軍需目覩情形凡有可以寬舒民力節省錢糧之處敢不悉心籌畫以仰副我皇上軫念邊方之至意查辦理軍務大臣等議

奏派撥西寧大通二鎮標兵二千名前往哈爾海圖地方駐防留京城滿洲兵二百名西安綠旗兵一千名至十月初旬前往扎哈素臺地方駐劄以備接應等因奉

旨依議欽遵在案但駐防哈爾海圖之西寧鎮標兵一千五百名大通鎮標兵五百名除在營照例支給行糧外其本兵應得之坐糧仍然在家關領而西安綠旗兵一千名并馬二千餘匹在寧二載並未調動其所需之糧料草束又俱按月支給本色多方採辦惟恐不及爲今之計莫若將西安綠旗兵一千名移往哈爾海圖地方駐劄將前派往哈爾海圖之西寧鎮標兵一千五百名內撤回一千名暫令歸伍卽將撤回兵丁之糧供支移往兵丁之用如此一爲轉移在西寧鎮標兵撤回一千名既



省在外之行糧而西安綠旗兵出去一千名又省內地之供應庶民力得以從容而錢糧不致糜費矣再京城滿洲兵二百名在西寧城內居住頗屬游閒統領之郎中三達禮身係文員不諳武事難以約束請將此滿兵二百名亦移駐哈爾海圖交與都統臣伊禮布等管轄且此滿兵二百名向在柴達木等處行走熟習今口外既有官兵駐防其坐卡查卡得此歷練之人更爲有濟至十月初旬再派西寧鎮原撤回之兵一千名并現駐西寧之西安滿兵一百名前往扎哈素臺地方駐防接應

亦屬便易臣鄙見所及不揣冒昧據實陳

奏伏乞

皇上睿鑒施行謹

奏

此奏甚是計慮殊屬可嘉候另有諭旨

雍正十二年四月十三日四川巡撫臣鄂昌謹

奏爲奏

聞事竊臣未入川境之先卽聞川省今歲雨澤調勻年景甚好至臣入境到任以來見春田一切麥豆菜子等類秀實豐茂眼前收穫可得十分其夏秋田

殊批諭旨



禾俱各布種以時發生滋盛老幼同歡士民咸慶  
臣目睹情形曷勝懽忭之至謹

奏

川熟則隣省兼濟豈止蜀民慶幸已也遙矚西南一隅  
不禁額手

同日又

奏爲請

旨事竊思地方要務積貯爲先臣到任以來細查通省  
各屬舊貯之倉穀不過四十餘萬石雍正九年奉  
旨令川省買穀六十萬石分貯作三年買足今已逾三

年僅買穀四十四萬餘石細詢其故蓋緣川省穀  
價貴賤不齊部議每石定價三錢其穀多價賤之  
處三錢之內多有贏餘俱已買備而穀少價貴之  
處三錢之數實所不敷且有不產米穀之處必赴  
隣邑購買脚價之需無項可動以故屢請停止遂  
致拖延前經布政使劉應鼎

奏以糧食多寡價值貴賤原難槩論若必欲通省照  
每石三錢之定價採買勢必有所不能至本地出  
產無幾不得不赴隣邑購買運價亦所必需請截  
長補短各照市價運價據實買貯餘剩銀兩造請



歸項等由經部議覆未准臣查蜀省如成都重慶夔瀘邛等府州屬產穀既多價值極賤保順寧敘嘉眉達綿資潼等府州屬產穀多寡不一價值尚屬中平惟雅州龍安二府及直隸茂州等屬有產穀無多價值甚貴之處有素不產穀無從購買之處此等地方逼近蠻疆孤懸山僻若不多爲積貯倘遇青黃不接兵民何所倚食臣悉心查察并同司道等虛衷商酌各處米價既有貴賤必合省通融方可辦理請以成都重慶夔瀘等屬之有餘劃補雅州龍安等屬之不足其素不產穀之處卽在

附近產穀之州縣購買量給腳價隨便帶運合計所餘銀兩動用添補購買并給腳價外尚有贏餘仍可多餘買貯以備邊疆之用俱令於今歲秋收買足庶積貯充裕實有裨益俟買足之日將各處所買米價并所運腳價據實造冊報部存案臣爲地方起見謹據所知陳

奏伏乞

皇上訓示施行謹

奏

此案米穀前經部議有案如欲通融辦理仍應具疏題



請方可降旨施行

雍正十二年五月十八日四川巡撫臣鄂昌謹

奏為陳明地方情形事竊查四川一省素稱沃壤先  
年地土多被豪強隱占自丈量以來田畝日闢糧  
賦倍增民間輸納俱各踴躍不待催比而自無逋  
欠但小民至愚惟圖一時之利每當收穫豐裕僅  
留一年之用餘俱減價賤糶鮮有蓋藏倘遇年成  
稍歉不無乏食之虞臣現在督率各屬諄切曉諭  
此言止可專諭溫飽富戶若孤獨無依力作謀生者將  
使咸知耕三餘一耕九餘三之道務期萬戶盈寧  
餘一餘三之糧寄頓何處聽之歎覺迂濶類斯等處要  
以仰副我

須剖析明白方不失古人立言之旨否則竝聖賢經傳  
皇上恩育黎元之至意惟是五方雜處之眾頑良不一  
亦流為浮泛不切之論矣  
如滇黔陝粵等省人民安分守法者居多獨楚民

性本狡黠習更刁健捏詞與訟作姦犯科無所不  
為是以比年以來命盜案件十倍於昔更有一種  
無賴自稱為仙師專事念咒書符妖言惑眾尤可  
惡者學習符水慣於避刑誘人犯法則頂名到官  
助人為惡則代為受拷任憑打夾毫不為意以致  
姦淫邪盜之事接踵而生殊堪痛恨臣抵任之始  
首以端風化正人心為要務凡接見屬員即諭其  
嚴除匪類仍不時留心查察已訪得一人名陶文



彩係湖廣武岡州人慣用符水巧於避刑在川多年惡跡昭著允宜盡法不可稍為姑息臣即嚴拏親訊現在盡法處治復通行出示嚴禁并著落地隣鄉保營汛弁兵挨戶稽

查此等惡徒視禁約為具文藐刑法如兒戲今欲非過於嚴厲也鋤莠不得不力耳設先存過於嚴厲之心勉強一時旋復中道因循匪類何由而止力除此習非過於嚴厲不足示儆除會同督臣率同司道嚴行設法查拏并此外地方之利弊官員

之賢否俟有確知灼見再當次第陳

奏謹先將臣所見地方情形恭摺奏

聞伏乞

睿鑒謹

奏

覽

同日又

奏為奏

聞事竊臣在京

陛見面奉

諭旨令將驛鹽道曹源邠居官辦事果係如何之處確

查具奏欽此臣抵任之時初見曹源邠聰明肆應語

言停妥似非無用之人及後留心試看每與之汎

論事體則應對如流至問其所辦事件則支吾含

殊批諭旨

共

鄂昌



混茫無定見因而加意訪察始知該道玩忽性成  
不親政務一切事件惟任幕友書吏辦理伊竟毫  
不留心其貽誤舛錯之處不可枚舉如通省行鹽  
該道並不招商辦課大半著落里長鄉約領引賣  
鹽其達部商名多係捏報正經商人十不二三且  
該道不計戶口不論井竈妄請增引地方不能行  
銷則官受參處民受賠累不得已而混行改撥以  
此地之鹽銷彼處之引該里長鄉約等又多不諳  
鹽務竟不照引行鹽而無賴姦棍卽乘隙作弊以  
致川省鹽政雜亂無章又該道辦理松潘軍糧自

製小斛希圖尅扣共少運米九百餘石適值前撫

臣憲德交印卸事臣抵任之始未及查察督臣黃

廷桂令其如數賠補遂寢其事再該道衙門從前

項補書役等缺俱勒取陋規出入錢糧亦甚不清

經前撫臣憲德并藩臬兩司查有確據共議揭叅

督臣黃廷桂從中勸阻令其改悔自新憲德將伊

痛加申飭并將伊家人重懲驅逐臣到任以來不

時嚴切教誡委婉開導冀其砥礪以贖前愆詎伊

悠忽如故不但無悛改之意且反尚巧詐之行殊

難造就理合據實奏



聞伏乞

皇上睿鑒謹

奏

據奏曹源邠行爲若此乃棄材也殊屬辜負朕恩伊初無一人保薦於引見之際朕特加鑒拔越次擢用今職何不自愛至於如是查有確實款蹟具疏嚴行叅劾

同日又

奏爲奏

聞事竊查川省地處高阜民間田地多藉堰水滋溉臣自抵任之始卽查得眉州地方向有墓頤一堰洄

流四十餘里灌田二萬餘畝其利甚溥邇年以來堰堤傾圯渠溝淤塞民力濬築維艱常以旱涸爲慮屢據該地方士民懇請動支公帑修理經臣委令建昌道前往踏勘估計約費工料銀六百兩隨令布政司查議復據該司呈稱墓頤一堰若得修築疏濬不特可以灌溉水田二萬餘畝卽將來凡沿堰渠之旱地皆可改爲水田甚有裨益請於各官養廉截曠銀兩內動支六百兩委官督修據實造報此後每歲修濬責令需水人民按地方之遠近計田畝之多寡公估公捐交眉州州判經管辦



理等情臣念水利關乎民生不宜遲緩卽批令如  
數動給飭發眉州知州高思雍速行修理俟工竣  
此乃公項非庫帑也誤用名色矣  
據實造報咨部核銷外事關動用公帑理合

奏明伏乞

皇上敕部施行謹

奏

興修水利原係善舉

雍正十二年八月二十二日四川巡撫臣鄂昌謹

奏爲欽奉

上諭事雍正十二年六月二十一日承准大學士鄂爾

泰等寄字內開雍正十二年六月初二日奉

上諭憲德陳奏四川事宜一摺著寄與鄂昌閱看令其  
悉心酌量將應行之件具題奏請欽此臣謹將憲德

奏摺逐細閱看悉心酌量其請將直隸嘉定潼川

三州改設二府川東道所屬之順慶府改歸川北

道管轄川北道所屬之直隸綿州等屬仍歸松茂

道管轄渝關水稅委令重慶府經徵等事俱是應

行之件惟請將永寧一道裁汰永寧所屬之地歸

併川東道管轄川東道所屬之直隸達州等屬改

歸川北道管轄并請於省城添設總理錢法糧餉



守道等事未爲妥協查川省一切經徵採買之糧雖有百十萬石然俱分貯各府州縣倉以爲地方緩急之備經各該府州縣官管理卽偶有軍需亦係各該道在各該地方承辦歷來妥協而鼓鑄錢法有布政司總理加以成都府成華二縣并派試用人員分管儘可辦理毋庸另設道員專司其事再查達州一屬地處東南與川東道相近去川北道甚遠若改歸川北道管轄反致鞭長莫及至永寧一道所轄敘州敘永瀘州雷波黃螂等處較之各道原屬地少事簡但敘永地接滇黔逼近烏蒙

鎮雄而雷波黃螂又係新撫苗疆全賴該道彈壓且敘永雷黃去川東道駐劄之重慶府千有餘里諸事難以照管是永寧一道未便議裁而永寧一屬未便歸併川東道管轄也抑臣更有請者永寧道所屬之地與松茂道所屬之地亦有遠近交錯之處應稍爲更易以便巡察查松茂道所屬之直隸資州等屬共五州縣與松茂道駐劄之茂州相距甚遠與永寧道屬敘州府隆昌富順地方相連甚近請將資州等州縣改歸永寧道管轄甚爲有益再夔州府屬之新寧縣去府二百五十餘里山



高路險公文差使往返不便查新寧係新設縣治  
與直隸達州接連自縣至州僅一百一十里請將  
新寧縣改歸達州管轄一切事件得以就近料理  
除具本

題請外理合繕摺奏

聞伏乞

皇上睿鑒謹

奏

具題到日有旨

雍正十二年十月十七日四川巡撫臣鄂昌謹

奏爲請

旨嚴飭事竊惟督撫表率文武職任封疆務宜首尚精  
嚴以示振肅臣自到任以來訪有州縣官貪酷枉  
法及廢弛政事者已嚴叅數人使衆知儆懼各思  
奮勉惟營員素行驕縱致營兵多所不法待守令  
不及干把視佐雜如同奴隸其任性妄爲欺凌百  
姓之處種種難以枚舉如地方盜案報官之後責  
令營兵協同緝拏乃營兵於未拏賊盜之先輒赴  
事主之家擁擠雜還或稱驗看虛實或稱查驗蹤  
跡坐索酒飯銀錢不一而足是事主於被盜之後



又受一番擾累矣又如地方自盡人命例應文員  
檢驗與營兵無涉乃營兵聞風卽至或云係某副  
爺差來查看或云係某守爺差來查問三五成羣  
推門擊戶不論男女不分內外恣意騷擾毫無忌  
憚再如遞送公文乃塘兵之專責也而各路塘兵  
遇有督臣衙門公文則立行飛送不敢稍遲將臣  
衙門公文遇便方爲帶送每每遲滯至於司道府  
廳州縣各衙門公文竟敢堆積耽延不肯遞送甚  
且將查拏匪類躡緝盜賊釘封密行之文故爲擦  
損暗自竊視以致多有泄露此等弊端臣嚴飭各

營查究而伊等背後咸云此是總督所管不與巡  
撫相干臣每與督臣黃廷桂言之伊亦不以爲意  
臣雖無專管武官之責然有關於地方之事何敢  
不爲嚴究除再行申飭遇有前項不法之營兵卽  
行重處并將該管之將備會同督臣

題叅外懇祈

皇上特降諭旨嚴飭庶營員知所畏懼加意約束實於  
地方有益爲此繕摺懇請伏乞

睿鑒施行謹

奏



覽奏足見度量狹隘似此心懷偏私則文武何能和衷  
共濟邊地巖疆防姦禦侮尤宜崇武而文次之全在汝  
等大吏善於調劑不致介冑之士懷嫌蓄怨胡乃妄陳  
不經之談祈朕特旨嚴飭倘若誤聽謬論痛加繩治俾  
令戎行解體將來武員勢必咸被文職挾制前明之風  
復見於今日矣其弊曷可勝言殊屬少年無知混行冒  
瀆

硃批吳關杰奏摺

雍正二年八月初四日山東兗州府知府臣吳關

杰謹

奏竊臣蒙

皇上特達之知簡任兗州府知府無時不以民生爲念  
自上年到任後見荒旱情形目覩心傷百計撫慰  
謹月遽難安集幸賴我

皇上捐賑頻施虔誠祈禱以致雨暘時若上年秋收與  
今年麥熟均有六七分目下秋收更倍往昔據百  
姓僉云二十年來無此收成雖有蝗蝻生發隨即



撲滅幸不爲災臣因盤查捕蝗每至州縣僻壤見黃童白叟鼓腹含哺咸頌我

皇上敬頌

天勤民所以土感

天和下惠黎庶人歌大有戶慶豐登爲此繕摺奏

聞謹

奏

知道了幸遇如此豐年亟當勸導百姓積蓄蓋藏此爲要務爾之官聲雖無不好之處亦未登上好之列朕意尚以爲不足勉爲之莫負朕簡用之恩

同日又

奏臣伏查闕里誌曲阜縣知縣自唐以來間授孔氏

後裔至宋皇祐三年詔復於孔氏子弟中選用金

元以衍聖公兼知縣事爲世襲縣尹明季改爲世

職由衍聖公保舉嘉靖以後不由衍聖公保舉我

朝初由衍聖公咨部文職其人

題授等語今現任曲阜縣知縣孔衍澤於康熙五十

一年由衍聖公保舉補授自

履任後每遇曲阜

呈狀無論事之大小非孔氏族人卽孔氏親戚縣官威令固不能行而情面亦不能却諸事掣肘甚



難歸結臣查世職知縣原以聖人之鄉用聖人之  
後綿聖澤恤聖裔也今由衍聖公保舉未免有所  
牽制且世職知縣與各縣知縣一體處分又不得  
與各縣知縣一體陞轉是降罰有分而陞遷無望  
至保舉不按宗支遇族人有事質審公庭往往以  
卑幼責懲尊長於理有未順而於情亦有未安臣  
請將現任知縣孔衍澤調任他邑如該令別有事  
故缺出仍令衍聖公保舉一人咨部籤掣於別省  
補用則世職之恩依然如故而曲阜知縣仰祈  
皇上揀選補用既非孔氏族人而又不由保

題則自無瞻顧遇事可以執法於民生不無小補臣  
係小臣何敢冒昧妄陳因爲地方起見所以冒瀆  
天聽伏候

睿裁謹

奏

此事應呈稟撫臣竟自奏達未免涉於越分仍具詳該  
撫等商妥再行轉奏方是朕思曲阜縣令其來已久似  
不便更張爾等撫司道府如果能執正無私不瞻顧情  
面稱職者留不勝任者去則保舉自當得人矣倘遇其  
尊長輩質訊對理之事不妨詳明上司另委賢員審鞫



亦未爲不可當再加斟酌同司撫合詞具奏

雍正三年五月十七日山東兗州府知府臣吳關

杰謹

奏竊臣蒙

皇上隆恩末由報稱每於國計民生無不細心體訪今年二麥收成八分至五分不等目下連得大雨秋禾又皆下種秋收有望抑臣更有聞者山左多山各州縣向有不墾之地蒙

聖祖仁皇帝深仁厚澤浹洽寰區生齒殷繁故不毛之地每多開墾成熟陞科然而山地廣濶間有歷年漸

墾未經報部相沿日久隱漏頗多州縣官誠恐一經通報勢必根究反多未便以故因循隱匿臣思

王土豈可終於不報惟祈我

皇上洪慈令各州縣自行據實陳明赦其已往徵其將來自雍正四年爲始盡行報部歸入正額其雍正三年以前縱有州縣自用或充公用者概予弗問清查之後仍有絲毫隱匿從重治罪則百姓竝無

奏加損而於

國課不無小補臣爲錢糧起見冒昧瀆陳伏候

硃批諭旨

四

吳關杰



聖裁謹

奏

此亦摹倣田文鏡之行爲耳然有心學好則好卽爲所  
有矣呈稟撫臣具疏題奏

同日又

皇奏竊臣於雍正元年五月間恭接

御製訓誨知府

上諭臣跪讀之下仰見我

皇上聖明天縱官方民隱事事周知雖典謨訓誥無以  
復加臣隨敬錄一幅懸掛堂中朝夕瞻仰身體力

行一年之中覺有遵循隨於雍正二年冬月謹照

皇 臣鄉學宮明倫堂刊刻大學聖經一章於屏門之

天 例鐫刻

上諭於大堂屏門之上時稟

天顏於咫尺勿忘

聖訓於須臾觸目警心甚爲有益臣請

皇上於各省文武大小衙門各照明倫堂於屏門上刊

刻聖經之例一體刊刻

上諭於大堂屏門之上俾在外諸臣各知則效共相勉

奏勵庶於吏治稍有裨益謹

殊批諭旨

五

吳關杰



奏

此等迎合之舉皆可不必況爾未具超羣出類之資果能身體力行克盡爾分內之事則亦可矣似此多事涉及分外朕殊不喜

雍正五年二月初一日山東兗州府知府今陞湖

廣辰沅靖道臣吳關杰謹

奏爲恭謝

天恩事竊臣一介庸愚至微極陋蒙

皇上特恩由郎中拔授兗州府知府抵任以來深愧一  
無報稱虛糜廩祿今又蒙

聖恩陞授湖廣辰沅靖道聞

命自天感激無地臣何人斯遭此

隆遇受

恩愈重圖報愈難惟有竭盡心力以期不負我

皇上特達之知遇也臣交代事竣領憑赴任俟到任後

有應

奏請事容臣於湖南撫臣處轉呈合併聲明爲此繕

摺

奏謝謹

奏



爾任充府數年以來雖無甚不好亦屬庸常無奇今授爾此職非朕嘉獎而擢用之也至新任當勉力自效毋得錯會朕意若以向日所聞尚料爾未必能清楚交代今既舊任事竣行矣勉之布蘭泰非陳世倌可比慎之毋忽

硃批胡鳳翬奏摺

奏雍正元年三月二十二日蘇州織造臣胡鳳翬謹奏為奏明

聞虧空事臣蒙 皇上 屢用 遴選 甚多 此 臣 無 辜 空 容 特恩簡用感激惶悚惟有盡心報效一切關係

國帑務期徹底清查以仰副 皇上 委任至意今查得李煦任內虧空各年餘剩銀兩

旨交督臣查弼納查追外尚有六十年辦六十年分

應存剩銀六萬三百五十五兩零竝無存庫亦係

硃批諭旨

胡鳳翬



李煦虧空詎據實奏正十五兩零並無存庫亦糾  
聞所有歷年動用銀兩數目另開細摺并呈六十年  
御覽再查李煦於康熙三十二年奉內務府行文著動  
皇上備用銀三千兩買米四千一百餘石此項動用銀  
兩已經報銷訖所買米石並無存貯明係虧空合  
并恩并奏懇恩免其罪責一併開缺

奏請查明續

奏斷不敢私毫徇隱上負口蘇州織造臣胡鳳翬  
皇上天恩爲此謹

奏

逐細清察毋遺移交查彌納可也

又歷年銀兩細數一摺亦交與查彌納

雍正元年四月初五日蘇州織造臣胡鳳翬謹

奏爲奏

聞地方情形事竊臣蒙  
皇上天高地厚之恩雖捐糜頂踵不能仰報萬一所有  
地方情形敢不據實直

奏查蘇州係五方雜處之地閭門南濠一帶客商輻  
輳大半福建人民幾及萬有餘人其間遊手好閒



之徒未能安分最易作姦又有染坊踰布工匠俱  
係江寧太平寧國人民在蘇俱無家室總計約有  
二萬餘人凡遇盜案發覺常有踰匠在內臣下愚  
鄙見以為俱當稽察防範分別澄汰消弭於未萌  
前聞二月二十五日福建省城越獄致傷官兵悉  
係臺灣海寇餘孽此輩一經拘拏自必四散逃匿  
臣細查出洋海口如太倉之劉河七丫上海之黃  
浦吳淞俱去蘇不遠全仗巡查嚴密方免疎虞而  
鄰近之松江提督係署事之員海口防守汛兵因  
循懈怠有名無實謹據實奏

聞臣密探安徽巡撫臣李成龍年紀雖老精力強健所  
屬節禮及陋規等項亦俱收受并此奏

聞謹

奏

將爾之所見所聞俱告知何天培伊自當料理應知會  
高其位者亦令何天培密行知會

雍正二年十二月十八日蘇州織造臣胡鳳翬謹  
奏為遵

旨回奏事臣於十二月初三日入江南境細訪按察使  
少不慎密須防爾之首領  
徐琳居官皆云辦事有才但誠實不如前任張楷



然到任未久操守辦事尚在未定其布政司博爾多尚未到任又臣於初八日過揚州謹將

皇上旨意下與阿爾法他狠懼怕惶悚無地以後臣傳教導阿爾法猶為次之教導胡鳳翬要緊旨教導他不許妄為理合回

奏

母謂朕將爾交與怡親王為已得泰山之靠遂放膽肆志任意招搖也倘少有辜負朕恩處第一叅劾爾者即係怡親王切莫錯會若希冀王施袒護私恩於爾則自誤爾之身家體面矣小心慎之

雍正三年七月二十六日蘇州織造臣胡鳳翬謹

奏為欽遵舉首據實奏

聞事竊臣於七月二十四日接閱邸報捧讀

上諭年羹堯從前題奏西藏青海等處軍功議敘文武官員俱多有冒濫不實特賜寬大之恩凡係年羹堯任內冒濫題奏者無論已授未授已陞未陞俱准速天行據實自首皆從寬釋宥欽此仰見

聖德如天

仁恩廣被何敢稍有隱匿自取罪愆臣子式瑗現任廣西桂林府同知先由監生自捐縣丞後因年羹堯為四川巡撫時羹堯係式瑗母舅遂代為運米議



敘縣職於康熙六十年八月內部選舉得廣西陽朔縣知縣續經督撫保薦於雍正元年蒙

恩准授桂林府同知前之縣丞係自行捐納後之同知

聖旨係天

天恩賞授而縣丞議敘知縣臣子竝未親身運米進藏雖非年羹堯

題奏之員實由甥舅私情所致其爲冒濫入冊不問

可知臣受

恩深重若敢欺隱掩飾罪不容誅相應據實首明伏懇皇上天恩將臣子式瑗

敕部革職以證年羹堯冒濫之罪爲此謹

奏

此應報部之事何得混行摺奏

雍正三年八月十七日蘇州織造臣胡鳳翬謹

奏爲叩謝

天恩事竊臣家人到蘇奉怡親王傳宣

皇上恩旨將織辦緞疋節省銀兩

賞給詎跪聆之下感悚難安伏思臣微末庸愚蒙

皇上洪恩賞授織造體面非常又兼關務力圖報效前

重賞項節省之銀係錢糧公帑臣自揣福薄何當

硃批諭旨

五

胡鳳翬



重賞而清谷之難對難計公等亦自以誦贊何當  
恩加曠典又不敢辭謹望

闕叩首謝  
恩其銀不敢私動留為辦差之用為此繕摺恭謝

天恩謹  
奏

多賞與爾以便為夤緣鑽刺之用耳

雍正三年九月二十六日蘇州織造臣胡鳳翬謹

奏為叩謝

天恩事竊臣因臣子式瑗一事不敢欺隱具摺首明今

臣家人回蘇跪接

硃批諭旨捧繹之下方知臣具摺之愚蒙重荷

聖慈矜全臣感激涕零謹率合家老幼望

闕叩首謝

恩惟有鏤骨銘心與臣子式瑗共秉忠誠盡心效力圖

報

皇上高厚之恩於萬一耳并將

硃批原摺恭繳謹

奏

當極加小心謹飭聞爾頗不安靜慎之慎之

硃批諭旨

六

胡鳳翬



雍正三年十月初三日蘇州織造臣胡鳳翬謹  
奏爲據實陳情恭繳

硃批事臣家人回蘇跪接

皇上硃批訓旨捧繹之下惶悚恐懼無地自容竊臣微  
末庸愚荷蒙

天恩簡任織造兩載之中寸長未效又蒙

特恩賞兼許關稅務

隆恩異數實出非常雖竭力致身難報萬一何敢再生  
妄念有所營求況

聖明在上洞徹隱微臣無知犬馬豈不自顧身家舉朝

共凜冰淵焉肯擅容請託臣再四思維其間有形  
迹可疑不敢不據實直

奏臣與本門上之人非親卽友相好在前當日困苦  
之時每承周濟臣今沐

殊恩參養厚祿偶遇親友婚嫁喜事亦量爲幫助以報  
前情竝無涉私干譽而親友亦見諒不收此臣不  
知分量不自謹飭之所爲罪何可逭自今以後惟

有凜遵

聖訓公爾忘私一應交際往來槩行永杜改過自新伏



皇上開天地格外之恩原情矜宥臣生生世世銜戴  
洪恩於無既矣所有奉到  
硃批原摺恭繳謹

奏

朕原有旨除怡親王之外不許結交一人孰意爾尚恐  
怡親王照顧不周又復各處鑽營却以本門上幫助親  
友之事回奏巧詞搪塞轉見狡飾朕豈令爾一槩謝絕  
親戚往來耶可謂胡說之至





卷之二